

თბილისის და ქუთაისის საქალაქო სასამართლოების სისხლის სამართლის საქმეთა მონიტორინგის ანგარიში

მონიტორინგის ანგარიში №3
პერიოდი: ივლისი-დეკემბერი, 2012
აპრილი, 2013
თბილისი, საქართველო



მონიტორინგის განხორციელება შესაძლებელი გახდა ამერიკის შეერთებული შტატების საერთაშორისო განვითარების სააგენტოს (USAID) გულუხვი თანადგომით. წარმოდგენილ კვლევის მიზანია საია და ის არ გამოხატავს USAID-ის, ამერიკის მთავრობისა და აღმოსავლეთ-დასავლეთის მართვის ინსტიტუტის მოსაზრებებს (EWMI).



საქართველოს ახალგაზრდა იურისტთა ასოციაცია

თბილისის და ქუთაისის საქალაქო სასამართლოების სისხლის სამართლის საქმეთა მონიტორინგის ანგარიში

მონიტორინგის ანგარიში №3
პერიოდი: ივლისი-დეკემბერი, 2012
აპრილი, 2013
თბილისი, საქართველო

მონიტორინგის პროექტის განხორციელება შესაძლებელი ვახდა ამერიკელი ხალხის გულუხვი დახმარების წყალობით, რომელიც აშშის საერთაშორისო განვითარების სააგენტოს (USAID) მეშვეობით იქნა განვითარებული. ანგარიშის შინაარსზე პასუხისმგებელია საქართველოს ახალგაზრდა იურისტთა ასოციაცია. ის არ ასახავს USAID-ის, აშშ-ის მთავრობის ან „აღმოსავლეთ-დასავლეთის მართვის ინსტიტუტს“ შეხედულებებს.



USAID
ამერიკელი ხალხისაგან



EAST • WEST
MANAGEMENT
INSTITUTE
მართლმარცულების დამოუკიდებლობისა
და სამართლებრივი დამფუძნებელის მიმღები

ავტორთა მიერ ანგარიშში გამოთქმული მოსაზრებები არ გამოხატავს
აშშ-ის საერთაშორისო განვითარების სააგენტოს (USAID) და ამერიკის
მთავრობის პოზიციას.

საია მადლობას უხდის საქართველოს სასამართლო ხელისუფლებას
სასამართლო მონიტორინგის პროექტის განხორციელების
ხელშეწყობისათვის.

ავტორები: თინათინ ავალიანი
ეკა ხუციშვილი

რედაქტორი: ხათუნი ყვირალაშვილი

ტექ. რედაქტორი: ირაკლი სვანიძე

გამოცემაზე პასუხისმგებელი: ეკატერინე ფოჭხაძე
თავარ გვარაშვილი

მონიტორინგის და კვლევის მარიამ ნიკოლაშვილი
მომზადების პროცესში გიორგი პოპაძეობული
მონაწილეობა მიღეს საიას 3ლალიშვილ პეტიშვილი
მონიტორებმა: ლევან ვეჯვაძე



აიწყო და დაკაბადონდა
საქართველოს ახალგაზრდა იურისტთა ასოციაციაში.
ჯ. კახიძის ქ. 15 თბილისი 0102 საქართველო
(+995 32) 295 23 53, 293 61 01

აკრძალულია აქ მოყვანილი მასალების გადაბეჭდვა, გამრავლება ან
გავრცელება კომერციული მიზნით, ასოციაციის წერილობითი წებართვის
გარეშე

სარჩევი

შესავალი	4
მეთოდოლოგია	5
ანგარიშის სტრუქტურა	7
I. პროგლობი კონკრეტული საპროცესო სტადიების მიხედვით	8
1. პირველი წარდგენის სხდომები	8
1.1. პატიმრობა	12
1.2. გირაო	15
1.3. სხდომების ჩატარების შესახებ ინფორმაციის წინასწარ გამოქვეყნება	19
2. წინასასამართლო სხდომები	21
3. საპროცესო შეთანხმების სხდომები	23
II. პრალდებულთა ძირითადი უფლებები	27
1. მხარეთა თანასწორობა და შეჯიბრებითობა	27
2. დაცვის უფლება	30
3. არასათანადო მოპყრობის აკრძალვა	33
4. მიუკერძოებლად საქმის განხილვის უფლება	37
5. დასაბუთებული გადაწყვეტილების უფლება	39
6. საჯარო განხილვის უფლება	41
7. თარჯიმის ყოლის უფლება	44
8. თავისუფლების ხელშეუხებლობის უფლება	45
9. საქმის გონივრულ ვადაში განხილვის უფლება	45
დასკვნა	46
რეკომენდაციები	48
დანართები	51

შესავალი

საქართველოს ახალგაზრდა იურისტთა ასოციაცია (საია) სისხლის სამართლის საქმეებზე სასამართლო სხდომების მონიტორინგის პროექტს 2011 წლის ოქტომბრიდან ახორციელებს. თავდაპირველად, მონიტორინგის განხორციელება თბილისის საქალაქო სასამართლოს სისხლის სამართლის კოლეგიაშიდან 2012 წლის 1 დეკემბრიდან საიამ გააფართოვა მონიტორინგის არეალი და, დღესდღეობით, დაკვირვების პროცესი ქუთაისის საქალაქო სასამართლოშიც ხორციელდება. მონიტორინგის პროცესი მიმდინარეობს იდენტური მეთოდოლოგიის გამოყენებით როგორც ქუთაისში, ასევე თბილისში.¹

მონიტორინგის პირველი ეტაპის (2011 წლის ოქტომბერი – 2012 წლის მარტი) შედეგების პრეზენტაცია საიამ 2012 წლის ივნისში გამართა, როდესაც საზოგადოებას და დაინტერესებულ პირებს სასამართლო მონიტორინგის პირველი და მეორე ანგარიშები წარუდგინა.

წინამდებარე ანგარიში არის რიგით მესამე და მოიცავს პერიოდს – 2012 წლის ივლისიდან დეკემბრის ჩათვლით. აღნიშნული 6 თვის მანძილზე საია სულ 428 სხდომას დაკვირდა, აქედან:

- 74 – პირველი წარდგენის სხდომას;
- 78 – წინასასამართლო სხდომას;
- 69 – სასამართლო სხდომას, რომელზეც განიხილებოდა საპროცესო შეთანხმება;
- 207 – არსებითი განხილვის სხდომას.

იმ 428 საქმიდან, რომლებსაც საია აკვირდებოდა, 402 საქმე ეკუთვნის თბილისის საქალაქო სასამართლოს, ხოლო 26 – ქუთაისის საქალაქო სასამართლოს. შესაბამისად, ანგარიშში მოყვანილი შეფასებები მეტწილად თბილისის საქალაქო სასამართლოს ეხება. რაც შეეხება ქუთაისის საქალაქო სასამართლოს, ხსენებული 26 საქმიდან თბილისისაგან არსებითად განსხვავებული შედეგები ან ტენდენციები არ გამოკვეთილა. თუმცა, დადებითი კუთხით აღნიშვნის ღირსია ქუთაისის მოსამართლეთა მიერ ბრალდებულთათვის უფლებების განმარტების საკითხი,

¹ საქმეთა რაოდენობის შესაბამისად, ქუთაისში მონიტორინგს ახორციელებს მხოლოდ ერთი მონიტორი. თბილისის საქალაქო სასამართლოს სისხლის სამართლის საქმეთა კოლეგიაში დაკვირვება, მხგავსად წინა პერიოდისა, გრძელდებოდა სამი მონიტორის მიერ.

რომელიც თბილისში არსებულ მდგომარეობასთან შედარებით უკეთესი აღმოჩნდა. კერძოდ, ქუთაისის მოსამართლები უფრო სრულყოფილად განუმარტავდნენ ბრალდებულებს მათ უფლებებს, ვიდრე ეს თბილისის საქალაქო სასამართლოში ხდებოდა.

მსგავსად წინა პერიოდისა, სასამართლო მონიტორინგის მიზანი, ამ ეტაპზეც, სისხლის სამართლის საქმეებზე გამართული სასამართლო სხდომების დაკვირვების გზით, მათი გამჭვირვალობის გაზრდა, სასამართლო დარბაზებში რეალურად მიმდინარე პროცესის ასახვადასაზოგადოებისათვის გადმოცემაა. წინამდებარე ანგარიშში, საანგარიშო პერიოდის განმავლობაში გამოვლენილ შედეგებთან ერთად, საიადამატებით წარმოადგენს რეკომენდაციებს სისხლის სამართლის მართლმსაჯულების გაუმჯობესების მიზნით.

უკანასკნელი მონიტორინგის მანძილზე დაფიქსირდა სასამართლოს გაუმჯობესებული დამიკიდებულება რიგ საკითხებთან მიმართებით, რაზეც დეტალურად ქვემოთ ვისაუბრებთ. თუმცა, გასათვალისწინებელია ის გარემოებაც, რომ სასამართლოს განსხვავებული მიდგომა ძირითადად დაფიქსირდა ყოფილი მაღალი თანამდებობის პირების საქმეებში. დროის მოკლე მონაკვეთის გამო, რთულია იმის შეფასება, იყო ეს, ზოგადად, საკითხისადმი დამოკიდებულების ცვლილება თუ სასამართლოს მხრიდან მიკერძოებული მიდგომის გამოხატულება ყოფილი მაღალი თანამდებობის პირების მიმართ. აღნიშნულის დასადგენად, საია მომავალშიც გააგრძელებს ამ კუთხით სასამართლო პროცესების დაკვირვებას და უფრო კონკრეტულ შეფასებებს თავის მომავალ ანგარიშებში გააკეთებს.

მეთოდოლოგია

ანგარიშში წარმოდგენილი მთელი ინფორმაცია მონიტორთა მიერ სასამართლო პროცესების უმუალო დაკვირვების შედეგადაა მოპოვებული. მონიტორინგის მეთოდოლოგიიდან გამომდინარე საიას მონიტორები არ ამყარებენ კომუნიკაციას პროცესის მხარეებთან და ჩვენს მიერ არ ხდება საქმის მასალებისა და სასამართლო გადაწყვეტილებების გაცნობა. ანალიზი ეფუძნება მხოლოდ სასამართლო პროცესებზე დაკვირვების შედეგად მიღებულ ინფორმაციას. მოპოვებული ინფორმაციის დამუშავებაცა და ანალიზიც ხორციელდებოდა საიას გამოცდილი ადვოკატებისა და ანალიტიკოსების მიერ.

მონიტორინგის პერიოდში, მსგავსად წინა საანგარიშო პერიოდებისა, საიას მონიტორები იყენებდნენ სპეციალურად მონიტორინგისათვის შემუშავებულ კითხვარებს, რომელთა მეტვეობით დაფინდა დაფიქსირებული მონაცემების შესაბამისობა საერთაშორისო სტანდარტებთან, საქართველოს კონსტიტუციასა და საპროცესო კანონმდებლობასთან.

კითხვარები შეიცავდა როგორც დახურული სახის კითხვებს, სადაც პასუხი შეიძლებოდა ყოფილიყო „კი“ ან „არა“, ისე ღია კითხვებს, რომლებიც მონიტორებს საშუალებას აძლევდა, განემარტათ სასამართლო სხდომაზე დაკვირვების შედეგები. ამასთან, 2012 წლის ივლისიდან საიას მონიტორები, რიგ შემთხვევებში, ახორციელებდნენ სასამართლო სხდომებზე წარმართული მსჯელობისა და განსაკუთრებით მნიშვნელოვანი შუამდგომლობების სიტყვასიტყვით ჩანსერას, რაც მათ დაკვირვებებს კიდევ უფრო მეტ სიცხადესა და თვალსაჩინოებას სძნეს. მონიტორებს შესაძლებლობა ჰქონდათ, შეეკრიბათ ობიექტური, გაზომვადი მონაცემები და, იმავდროულად, დაეფიქსირებინათ მნიშვნელოვანი ფაქტები და მოვლენები. ანგარიშში წარმოდგენილი ინფორმაციის ნაწილი, შესაძლოა, სრულად არ იყოს ასახული კვლევის თანდართული ცხრილის მონაცემებში, თუმცა, საიას მიერ გაკეთებული დასკვნები გამომდინარეობს მონიტორების მიერ მოპოვებული საერთო ინფორმაციის გაანალიზებიდან.

სისხლის სამართლის პროცესის სირთულის გათვალისწინებით, საიას მონიტორები ესწრებოდნენ სისხლის სამართლის საქმეზე ცალკეულ სხდომებს და არ აკვირდებოდნენ ერთ რომელიმე საქმეს მისი დასაწყისიდან დასრულებამდე. გამონაკლისს წარმოადგენდა ე.წ. „მნიშვნელოვანი საქმეები“, რომელთა შერჩევაც, საიას მონიტორებისა და ანალიტიკოსების შეთანხმების შედეგად, პროექტის ფარგლებში წინასწარ განსაზღვრული კრიტერიუმების მიხედვით ხდებოდა. ამგვარი საქმეების მონიტორინგი მიმდინარეობდა მისი დასაწყისიდან დასასრულამდე, შესაძლებლობის ფარგლებში. ამგვარი საქმეები მოიცავდა უფლებათა აშკარა დარღვევებს, იყო მაღალი საზოგადოებრივი ინტერესის მქონე ან რაიმე განსხვავებული ნიშნით ხასიათდებოდა. ბოლო მონიტორინგის პერიოდში საია მიჰყებოდა 38 საქმეს, რომელთაგან: 1 საქმე დასრულდა საპროცესო შეთანხმებით; 1 საქმე – გამატებული განაჩენით; 1 საქმე დაიხურა მხარის შუამდგომლობით, სქესობრივი დანაშაულის – გაუპატიურების – მსხვერპლის ინტერესების

დაცვის მიზნით;² 35 კი – მიმდინარეა. აღნიშნული 38 საქმიდან: 15 არის ყოფილი მაღალი თანამდებობის პირის საქმე და ისინი მაღალი საზოგადოებრივი ინტერესის გამო შევარჩიეთ; 11 საქმე შეეხება იარაღსა და ნარკოტიკულ დანაშაულებს (სადაც ხშირია უფლებათა დარღვევის ფაქტები), დანარჩენი 12 საქმე კი შეეხება მკვლელობის, გაუპატიურებისა და სხვა დანაშაულის შემთხვევებს, რომლებიც გამოირჩეოდა საინტერესო და განსხვავებული გარემოებებით. პირველი ინსტანციის სასამართლოში განხილვის დასრულების შემდეგ, აღნიშნული საქმეების გასაჩივრების შემთხვევაში, მათი მონიტორინგი საიას მიერ სააპელაციო სასამართლოშიც გაგრძელდება.

ანგარიშის სტრუქტურა

წინამდებარე ანგარიშში თავდაპირველად წარმოდგენილია საქმის განხილვის სამ საპროცესო სტადიაზე წარმოჩენილი ძირითადი პროცედური საკითხები, კერძოდ: ბრალდებულთა სასამართლოში პირველად წარდგენის სხდომებზე, წინა სასამართლო სხდომებსა და იმ სხდომებზე, რომლებზეც საპროცესო შეთანხმება გაფორმდა.

ანგარიშის შემდეგი ნაწილი წარმოადგენს სისხლის სამართლის პროცესში ბრალდებულის ძირითადი უფლებების დარღვევების შეფასებას, მიუხედავად საქმის საპროცესო განხილვის სტადიისა. აღნიშნული უფლებები მოიცავს: საჯარო განხილვის უფლებას; მხარეთა თანასწორობას; თარჯიმის ყოლის უფლებას; არასათანადო მოძყვრიბის აკრძალვასა და საქმის გონივრულ ვადაში განხილვის უფლებას.

დასკვნის სახით, კიდევერთხელ ხაზგასმულია ის მნიშვნელოვანი საკითხები, რომლებიც მონიტორინგის საანგარიშო პერიოდში იქნა გამოკვეთილი. ამის შემდგომ, ანგარიშში მოცემულია კონკრეტული სახის რეკომენდაციები, რომელთა მიზანი საიას მიერ წარმოებული მონიტორინგის შედეგად გამოვლენილი ხარვეზებისა და ნაკლოვანებების აღმოფხვრაა.

საია იმედოვნებს, რომ მონიტორინგის განმავლობაში

² სსსკ-ს 1823.”დ” მუხლის მთხვევით, სასამართლოს შექმნა, მხარის შეამდგრომდობით მიიღოს გადაწყვეტილება სხდომის ნაწილობრივ ან სრულად დაურვის შესახებ, სქესობრივი დანაშაულის ან ადამიანით გაჭრობის (ტრეფიკინგის) დანაშაულის მსხვერპლის ინტერესების დაცვის მიზნით.

მოპოვებული ინფორმაცია და მის საფუძველზე გაკეთებული შესაბამისი დასკვნები ხელს შეუწყობს საქართველოს სასამართლოებში მიმდინარე პროცესებზე უფრო ნათელი სურათის შექმნას და ინფორმაციული იქნება სასამართლო რეფორმის შესახებ მიმდინარე დებატებისთვისაც.

I. პროგლობები პრეცედული საპროცესო სტადიაზის მიხედვით

წინამდებარე თავში წარმოდგენილია მონიტორინგის შედეგად გამოვლენილი ის პრობლემები, რომლებიც დამახასიათებელი აღმოჩენდა კონკრეტული ტიპის სასამართლო სხდომებისათვის.

1. პირველი წარდგენის სხდომები

სისხლის სამართლის საპროცესო კოდექსის (შემდგომში, სსსკ) 198-ე მუხლის თანახმად, ბრალდებულის პირველი წარდგენის სხდომაზე სასამართლო განიხილავს საკითხს, თუ რომელი ღონისძიება უნდა იქნეს გამოყენებული, რათა ბრალდებულმა თავი არ აარიდოს სასამართლოში გამოცხადებას, აღიკვეთოს მისი შემდგომი დანაშაულებრივი საქმიანობა და ხელი არ შექმნალოს გამოძიებას მანამ, სანამ საქმეზე საბოლოო განაჩენი დადგება. ეს „აღკვეთის ღონისძიება“ უნდა იყოს დასაბუთებული, რაც იმას ნიშნავს, რომ კონკრეტული აღკვეთის ღონისძიების სახის გამოყენება უნდა შესაბამებოდეს კანონით დადგენილი აღკვეთის ღონისძიების მიზნებს.

სასამართლოს შეუძლია სსსკ-ით გათვალისწინებული რამდენიმე აღკვეთის ღონისძიებიდან ერთ-ერთის გამოყენება: პატიმრობა, გირაო, პირადი თავდებობა, გაუსვლელობისა და სათანადო ქცევის შესახებ შეთანხმება, სამხედრო მოსამსახურის ქცევისადმი მეთვალყურება.³

სსსკ-ის 198.3 მუხლის თანახმად:

აღკვეთის ღონისძიების გამოყენების შესახებ შუამდგომლობის წარდგენისას პროკურორი ვალდებულია, დაასაბუთოს მის მიერ მოთხოვნილი აღკვეთის ღონისძიების გამოყენების მიზანშეწონილობა და სხვა, ნაკლებად მკაცრი აღკვეთის ღონისძიების გამოყენების მიზანშეწონლობა.

³ სსსკ მუხლი 199.

**დაკვირვებულ სხომებს შორის საინტერესოა გიორგი
კალანდაძის საქმე**

ოქტომბრის არჩევნების შემდეგ საქართველოს თავდაცვის სამინისტროს გაერთიანებული შტაბის ყოფილი უფროსის, გიორგი კალანდაძის მიმართ დაიწყო სისხლის სამართლებრივი დევნა და აღკვეთის ღონისძიების სახით შეფარდა გირაო. ბრალდების მხარემ იმავე საქმეში (სხვა ეპიზოდი) ბრალდებულს დაუმძიმა ბრალი და სასამართლოს მიმართა აღკვეთი ღონისძიების სახით კვლავ გირაოს შეფარდების მოთხოვნით. სასამართლომ იმ არგუმენტით, რომ იმავე საქმეზე კალანდაძეს უკვე ქონდა შეფარდებული აღკვეთი ღონისძიება, ბრალდების მხარის მოთხოვნა არ დააკმაყოფილა.

აღნიშნული შემთხვევა საინტერესოა სამართლებრივი თვალსაზრისით, რამდენადაც მსგავსი მაგალითი ჩვენი მონიტორინგის მანძილზე არ დაფიქსირებულა.

ამასთან, სსსკ-ის 198.5 მუხლის თანახმად:

აღკვეთის ღონისძიებისა და მისი კონკრეტული სახის გამოყენების საკითხის გადაწყვეტილას, სასამართლო ითვალისწინებს ბრალდებულის პიროვნებას, მის საქმიანობას, ასაკს, ჯანმრთელობას, ოჯახურ და ქონებრივ მდგომარეობას, მიყენებული ქონებრივი ზიანის ანაზღაურებას, ადრე შეფარდებული რომელიმე აღკვეთის ღონისძიების დარღვევის ფაქტს და სხვა გარემოებებს.

სასამართლოს გადაწყვეტილება აღკვეთის ღონისძიების შეფარდების თაობაზე, ისევე როგორც წებისმიერი სხვა გადაწყვეტილება, უნდა იყოს დასაბუთებული. ეს პრინციპი მომდინარეობს სამართლიანი სასამართლოს უფლებიდან და გარანტირებულია როგორც სისხლის სამართლის საპროცესო კოდექსით,⁴ ასევე განმტკიცებულია ადამიანის უფლებათა ევროპული სასამართლოს არაერთი გადაწყვეტილებით.⁵

წინა პერიოდების მსგავსად, მონიტორინგის შედეგად აღკვეთის ღონისძიების მხოლოდ ორი სახის გამოყენება დაფიქსირდა: პა-

⁴ სსსკ-ს 194.2 მუხლი ადგენს, რომ „სასამართლოს გადაწყვეტილება დასაბუთებული უნდა იყოს“;

⁵ E.g., *Hiro Balani v. Spain*, no. 18064/91, Para. 27 (9 December 1994).

ტიმრობა და გირაო. საიას მოსაზრებით, ეს ერთ-ერთ უმთავრეს პრობლემას წარმოადგენს სისხლის სამართლის მართლმსაჯულებაში.

აღკვეთის ღონისძიების პრობლემატურობა განპირობებულია პროკურატურის მიერ წარდგენილი შუამდგომლობებით და სასამართლოს მიერ მიღებული გადაწყვეტილებებით, თუმცა, აქვე აღსანიშნავია, რომ თავად დაცვის მხარეც აღტერნატიული სახით სხვა სახის ღონისძიების გამოყენებას მხოლოდ იშვით შემთხვევებში ითხოვდა. მაგალითად:

- ჩვენს მიერ დაკვირვებულ საქმეებში 98 ბრალდებულის მიმართ აღკვეთის ღონისძიების განხილვისას დაცვის მხარემ თავდებობა მხოლოდ 2 ბრალდებულის მიმართ მოიხოვა;
- ჩვენს მიერ დაკვირვებული 98 ბრალდებულის საქმიდან, 9 ბრალდებულის შემთხვევაში იყო შესაძლებელი გაუსვლელობისა და სათანადო ქცევის შესახებ შეთანხმების გამოყენება აღკვეთი ღონისძიების სახით, ვინაიდან ამ ბრალდებულებს ბრალი ჰქონდათ წაყენებული სისხლის სამართლის კოდექსის იმ მუხლების საფუძველზე, რომელიც სასჯელის სახით ითვალისწინებს თავისუფლების აღკვეთას ვადით ერთ წლამდე (6 ბრალდებულის შემთხვევაში სისხლის სამართლის კოდექსის 273-ე მუხლი⁶; 2 შემთხვევაში 120-ე მუხლი⁷; ერთ შემთხვევაში 381 პრიმა მუხლი⁸). სისხლის სამართლის საპროცესო კოდექსის 202-ე მუხლის თანახმად, შეთანხმება გაუსვლელობისა და სათანადო ქცევის შესახებ შეიძლება გამოყენებული იქნეს მხოლოდ იმ დანაშაულის საქმეზე, რომელიც სასჯელის სახით არ ითვალისწინებს თავისუფლების აღკვეთას 1 წელზე მეტი ვადით. არც ერთ ჩვენს მიერ დაკვირვებულ ამ შემთხვევაში არც ბრალდების მხარეს და არც დაცვის მხარეს არ მოუთხოვია გაუსვლელობისა და სათანადო ქცევის შესახებ შეთანხმების გამოყენება. არც სასამართლოს არ უმსჯელია მისი შეფარდების თაობაზე.

⁶ სსკ 273-ე მუხლი, პირადი მოხმარებისათვის ნარკოტიკული საშუალების, მისი ანალოგის ან პროკურსორის მცირე თდენობით უფანონო დაშადება, შეძენა, შენახვა ანდა ექიმის დანიშნულების გარეშე უკანონოდ მოხმარება.


⁷ სსკ 120-ე მუხლი ჯანმრთელობის განხრას მსუბუქი დაზიანება.

⁸ სსკ 381 პრიმა მუხლი, დამცავი ან შემაჯებელი თრდერით გათვალისწინებული მოთხოვების ან/და გალდებულებების შეუსრულებლობა.

ალკოვეთის ღონისძიებად გირაოსა და პატიმრობის გამოყენების სტატისტიკა შემდეგნაირია:

- პირველი წარდგენის 74 სხდომიდან 1 სხდომა დაიხურა, 73 სხდომაზე კი, სასამართლომ აღკვეთის ღონისძიების შეფარდებაზე 98 ბრალდებულთან მიმართებით იმსჯელა. აღნიშნული 98 შემთხვევიდან 37%-ში სასამართლო ალკოვეთის ღონისძიებად პატიმრობას იყენებდა, ხოლო 63%-ში – გირაოს. არც ერთ ბრალდებულს არ შეფარდებია გირაოსა და პატიმრობის გარდა სხვა აღკვეთის ღონისძიება.
- წინა მონიტორინგებთან შედარებით, ბოლო საანგარიშო პერიოდში პროკურორის მიერ წარმოდგენილი აღკვეთის ღონისძიების შუამდგომლობებთან მიმართებით სასამართლოს მხრიდან შედარებით ნაკლები ხარისხის მიკრობას ჰქონდა ადგილი. მონიტორინგის განხორციელების მანძილზე პირველად დაფიქსირდა შემთხვევები, როცა სასამართლო არ დაეთანხმა პროკურატურის შუამდგომლობას აღკვეთის ღონისძიების შეფარდებისას. კერძოდ, სასამართლომ 13 ბრალდებულს შეუფარდა გირაო, მიუხედავად იმისა, რომ ბრალდების მხარე პატიმრობას ითხოვდა. აღსანიშნავია, რომ ცატეტივე შემთხვევა 2012 წლის ოქტომბრის არჩევნების შემდეგ დაფიქსირდა და აქედან 10 ბრალდებული ყოფილი მაღალი თანამდებობის პირი იყო.
- ამას გარდა, საიას მოსაზრებით, შეფარდებული აღკვეთის ღონისძიება, 98-დან 31 შემთხვევაში - 19 გირაო და 12 პატიმრობა - (32%), სავარაუდო სასჯელთან, დანაშაულის სიმძიმესა და სხვა ფაქტორებთან (ბრალდებულის პიროვნება, ოჯახური და ფინანსური მდგომარეობა, მიყენებული ზიანი, მტკიცებულებათა განადგურების საფრთხე და სხვა) მიმართებით არაპროპორციული იყო. საიას რწმენით, მოსამართლემ აღკვეთის ღონისძიება ყოველ საქმეში ინდივიდუალური გარემოებების შესწავლის შედეგად უნდა განსაზღვროს და, ამასთან, უნდა იხელმძღვანელოს საერთო მიდგომით ეფექტური მართლმსაჯულების ინტერესების შესაბამისად.
- პირველი წარდგენის 98 შემთხვევიდან, როდესაც ბრალდებამ მოითხოვა გირაოსა თუ პატიმრობის შეფარდება, შემთხვევათა მხოლოდ 18%-ში დაასაბუთა სხვა, ნაკლებად მცაცრი აღკვეთის ღონისძიების შეფარდების მიზანშეუნინლობა.

- პირველი წარდგენის სხდომებზე დაყენებული 98 შუამ-დგომლობიდან 61 შემთხვევაში, ბრალდების ძირითად არგუმენტს „დანაშაულებრივი ქმედების მოსალოდნელი გაგრძელება“ წარმოადგენდა. აღნიშნული 61 შუამდგომლობის 64%-ში ბრალდებამ ვერ წარმოადგინა თავისი არგუმენტის დასაბუთება.
- 45 შემთხვევაში, ბრალდების ძირითად არგუმენტს „მართლმსაჯულების განხორციელებისათვის ხელის შეშლა და მტკიცებულებათა განადგურება“ წარმოადგენდა, თუმცა, 45-დან მხოლოდ ხუთ შემთხვევაში შეძლო ბრალდებამ კონკრეტული ფაქტების წარმოდგენა აღნიშნული გარემოების დასადასტურებლად.



1.1. პატიმრობა

პატიმრობა არის პირის თავისუფლების აღკვეთა. შესაბამისად, მისი გამოყენება, ბრალის საბოლოოდ დამტკიცებამდე, უნდა განვიხილოთ ინდივიდის თავისუფლების ხელშეუხებლობის უფლებასთან კავშირში, რაც დემოკრატიულ საზოგადოებაში ადამიანის ერთ-ერთი უმნიშვნელოვანესი უფლებაა.

თავისუფლების ხელშეუხებლობის უფლება გარანტირებულია საქართველოს კონსტიტუციით,⁹ ადამიანის უფლებათა ევროპული კონვენციით¹⁰ და სისხლის სამართლის საპროცესო კოდექსით.¹¹

ზემოაღნიშნული პუნქტების მიხედვით, სასამართლოს მიერ საბოლოო გადაწყვეტილების გამოტანამდე აღკვეთის ღონისძიების სახით პირისათვის პატიმრობის შეფარდების საფუძვლებს წარმოადგენს: ა) პირის მიმალვის საფრთხე;

⁹ საქართველოს კონსტიტუციის მუ-18 მუხლის 1-ლი ნაწილი: „ადამიანის თავისუფლება ხელშეუგალია“; იმავე მუხლის მუ-2 ნაწილი: „თავისუფლების აღკვეთა ან პირადი თავისუფლების სხვაგვარი შეზღუდვა დაუშევებელია სასამართლოს გადაწყვეტილების გარეშე“;

¹⁰ ადამიანის უფლებათა ერთოველი კონვენციის 5.1 მუხლი: „ეველას აქვთ თავისუფლებისა და პიროვნელი უსაფრთხოების უფლება. არავს შეიძლება აღეკვეთოს თავისუფლება, გარდა შემდგომი შემთხვევებისა და კანონით განსაზღვრული პროცედურის თანახმად“;

ა) კომპეტენტური სასამართლოს მიერ მსჯავრდების შემდგომ პირის კანონიერი დაპატიმრება;

ბ) პირის კანონიერი დაკავება ან დაპატიმრება სასამართლოს კანონიერი გადაწყვეტილების შესრულებლობისათვის ან კანონით გათვალისწინებული ნებისმიერი გალდებულების შესრულების უზრუნველყოფა;

გ) პირის კანონიერი დაკავება ან დაპატიმრება კომპეტენტური სასამართლო ორგანის წინაშე წარდგენის მიზნით, თუ არსებობს სამართლდარღვევის ჩადენის საფუძვლიანი ეჭვი ან, როდესაც ეს საფუძვლიანად მიჩნეულია აუცილებლად, პირის მიერ დააშაულის ჩადენის ან ჩადენის შემდგომ მისი გაქცევის თავიდან ასაკილებლად;

დ) არასრულწლოვნის დაკავება კანონიერი გადაწყვეტილების საფუძველზე საგანმანათლებლო ზედამხედველობის მიზნით ან მისი კანონიერი დაკავება უფლებამოსით კომპეტენტური სასამართლო ორგანოს წინაშე მისი წარდგენის მიზნით;

ე) ინფექციურ დაავადებათა გავრცელების თავიდან ასაცილებლად, პირების, აგრეთვე სულით ავადმყოფების, ალკოჰოლიკების, ნარკომანების ან მაწანებადების კანონიერი დაკავება;

ვ) პირის კანონიერი დაკავება ან დაპატიმრება ქვეყანაში მისი უნგბართვოდ შესვლის ადსაკვეთად ან იმ პირისა, რომლის წინააღმდეგაც ხორციელდება ღონისძიებები მის დეპორტაციის ან ექსტრადიციის მიზნით“.

¹¹ საქართველოს სისხლის სამართლის საპროცესო კოდექსი, მუხლი 205.1: „პატიმრობა, როგორც აღკვეთის ღონისძიება, კომოიუნება მხრილოდ მაშინ, თუ ეს ერთადერთი საშუალებაა, რომ თავიდან იქნეს აცილებული“;

ა) ბრალდებულის მიმაღლვა და მის მიერ მართლმსაჯულების განხორციელებისათვის ხელის შეშლა;

ბ) მტკიცებულებათა მოპოვებისათვის ხელის შეშლა;

გ) ახალი დააშაულის ჩადენის.

ბ) მართლმსაჯულების განხორციელებისათვის ხელის შეშლის საფრთხე; გ) ახალი დანაშაულის ჩადენის თავიდან აცილება. შეფარდებული პატიმრობის პროპორციულობის პერიოდული გადახედვა ასევე წარმოადგენს თავისუფლების ხელშეუხებლობის ერთ-ერთ მთავარ ელემენტს როგორც ადამიანის უფლებათა ევროპული კონვენციით,¹² ისე შიდა საპროცესო კანონმდებლობით.¹³ ეს პრინციპი მომდინარეობს ადამიანის უფლებათა ევროპული სასამართლოს პრაქტიკითაც, რომლის მიხედვითაც, მხარეთა შუამდგომლობის შემთხვევაში, სავალდებულოა პატიმრობის კანონიერების დროდადრო გადასინჯვა, ხოლო უარი ასეთი შუამდგომლობის განხილვაზე თავისუფლების ხელშეუხებლობის უფლების დარღვევის ჭრილში განიხილება.

გამოვლენილი შედეგები

მონიტორინგის შედეგად გამოიკვეთა, რომ მოსამართლე პატიმრობის შეფარდებისას, უმეტესწილად, არ ასაბუთებდა პატიმრობის გამოყენების აუცილებლობას და პროცესურორისგანაც იშვიათად ითხოვდა პატიმრობის შესახებ შუამდგომლობის დასაბუთებას. ბრალდების მხრიდან ამ სახის შუამდგომლობის წარმოდგენისას, სახელდებოდა ძირითადად ერთი და იგივე არგუმენტები და ისიც მხოლოდ იშვიათად საბუთდებოდა. შედეგად, აღკვეთის ღონისძიებად პატიმრობის გამოყენება, ხშირ შემთხვევაში, დაუსაბუთებელი იყო.

აღნიშნული დასკვნა გამომდინარეობს იმ საქმეების სტატისტიკური მონაცემებიდან, რომელთა დაკვირვებასაც საია ახორციელებდა:

- 49 შემთხვევიდან, სადაც ბრალდების მხარემ პატიმრობის შეფარდება მოთხოვა, 36 შემთხვევაში (73%) სასამართლომ დააკმაყოფილა მოთხოვნა და ბრალდებულს პატიმრობა შეუფარდა. აღსანიშნავია, რომ დანარჩენი 13 შემთხვევიდან, სადაც სასამართლომ არ დააკმაყოფილა პროცესურორის შუამდგომლობა პატიმრობის შეფარდების თაობაზე, ათი ბრალდებული იყო ყოფილი მაღალი თანამდებობის პირი, რომელთა სისხლისამართლებრივი დევნაც

¹² *Jēčius v. Lithuania; The Right to Liberty and security of the Person, A guide to the implementation of Article 5 of the European Convention on Human Rights, Monica Macovei, Human rights handbooks, No.5, Council of Europe, p.60-61.*

¹³ სსსკ, მუხლი 206.

- 2012 წლის ოქტომბრის არჩევნების შემდეგ დაიწყო;
- პირველი წარდგენის 36 სხდომიდან, სადაც მოსამართლემ აღკვეთის ღონისძიებად პატიმრობა გამოიყენა, 50%-ში არ იყო დასაბუთებული აღნიშნული გადაწყვეტილება.
 - საქმეთა გარკვეულ რაოდენობაში აღკვეთის ღონისძიების სახედ პატიმრობის გამოყენება აშკარად ზედმეტად მძიმე ზომა იყო.

აღკვეთის ღონისძიებად პატიმრობის გამოყენების მაგალითები

- 3 შვილის მარტოხელა დედას ბრალი ედებოდა ნაკლებად მძიმე დანაშაულის – ქურდობის ჩადენაში (სისხლის სამართლებრივი კოდექსის (სსკ) მუხლი 177.2.ა). მიუხედავად იმისა, რომ ზიანი მხოლოდ 152 ლარს შეადგენდა, ბრალდებულს პატიმრობა შეეფარდა.
- მცირენლოვანი შვილის მარტოხელა დედას, რომელსაც ბრალი ედებოდა მძიმე დანაშაულის – თაღლითობის (სსკ მუხლი 180.2.ბ) ჩადენაში, შეეფარდა პატიმრობა მიუხედავად იმისა, რომ ზიანი მხოლოდ 800 დოლარს შეადგენდა.
- დიაბეტით დაავადებულ 67 წლის ბრალდებულს, რომელსაც ბრალად ედებოდა ნაკლებად მძიმე დანაშაულის ჩადენა – ყალბი დოკუმენტის დამზადებასა და გამოყენებაში (სსკ 362.1) 4 ეპიზოდად, ამასთან, აღიარებდა დანაშაულს და თანამშრომლობდა გამოძიებასთან, შეეფარდა პატიმრობა.
- მცირენლოვანი შვილის მარტოხელა მამას, რომელსაც ბრალად ედებოდა ნაკლებად მძიმე დანაშაულის ჩადენა – ცეცხლსასროლი იარაღის მართლსაწინააღმდეგო შეძენა, შენახვა, ტარება (სსკ მუხლი 236.1.2), ამასთან, თანამშრომლობდა გამოძიებასთან, ყოველგვარი დასაბუთების გარეშე, პატიმრობა შეეფარდა.

1.2. გირაო

გირაო აღკვეთის ღონისძიების ერთ-ერთი სახეა, რომლის გამოყენების მიზანი მდგომარეობს იმაში, რომ ბრალდებულმა თავი არ აარიდოს სასამართლოში გამოცხადებას, აღიკვეთოს მისი შემდგომი დანაშაულებრივი საქმიანობა, ხელი არ შეეძალოს გამოძიებას. გირაოს შეფარდებისას, ბრალდებული იხდის

კონკრეტულ თანხას იმის სანაცვლოდ, რომ გათავისუფლდეს საქმეზე საბოლოო განაჩენის დადგომამდე.

გირაოზე, როგორც აღკვეთის ღონისძიების ერთ-ერთ სახეზე, ვრცელდება ყველა ის ვალდებულება, რომლებსაც საპროცესო კოდექსი აღკვეთის ღონისძიების გამოყენების დროს ადგენს. ამდენად, პროკურორი ვალდებულია, დაასაბუთოს მის მიერ მოთხოვნილი აღკვეთის ღონისძიების მიზანშეწონილობა, ხოლო სასამართლომ, თავის მხრივ, მხედველობაში უნდა მიიღოს სხვადასხვა ფაქტორი, მათ შორის: ბრალდებულის პიროვნება, მისი საქმიანობა, ასაკი, ჯანმრთელობა, ოჯახური და ქონებრივი მდგომარეობა, მიყენებული ზიანისანაზღაურების საკითხი, ადრე შეფარდებული რომელიმე აღკვეთის ღონისძიების დარღვევის ფაქტი და სხვა შესაბამისი გარემოებები. სასამართლო ვალდებულია, გამოარკვიოს ზემოხსენებული გარემოებები მაშინაც, თუკი პროკურორი არ წარმოადგენს აღნიშნულ ინფორმაციას. გარდა ამისა, დაცვის მხარე არ არის ვალდებული, წარმოადგინოს ინფორმაცია ზემოხსენებული გარემოებების შესახებ, რადგან აღკვეთის ღონისძიების პროპორციულობისა და მიზანშეწონილობის მტკიცება პროკურორს ევალება.¹⁴

ამდენად, გირაოს გამოყენების პროპორციულობა მისი გამოყენების დასაბუთებაზეა დამოკიდებული.

გამოვლენილი შედეგები

გირაოს დასაბუთება, რაც, საიას მოსაზრებით, საკმარისად ჩაითვლებოდა, გამოვლინდა მისი გამოყენების შემთხვევების თითქმის ნახევარში (62-დან 37 შემთხვევა), სადაც ბრალდებამ უზრუნველყო ბრალდებულის ფინანსური მდგომარეობის დადასტურება. ასეთდროს, საიასაზრით, საკმარისდასაბუთებად მიიჩნევა გარემოება, როდესაც ბრალდებული ეთანხმება გირაოს სახით მოთხოვნილ თანხას. აღნიშნულ 37 შემთხვევაში სასამართლოს წინაშე აღარ დამდგარა ბრალდებულის ფინანსური მდგომარეობის დამატებით დადგენის საჭიროება. მაშინ როცა დანარჩენ 25 შემთხვევიდან სასამართლომ მხოლოდ 3 შემთხვევაში გამოარკვია ბრალდებულის ფინანსური მდგომარეობა, იმ ფონზე როცა აღნიშნულზე არ მიუთითებდა არც ბრალდების და არც დაცვის მხარე.

¹⁴ სსსკ-ს 2002 მუხლის თანახმად, გირაოს თანხის ოდენობა განისაზღვრება ჩადენილი დანაშაულის სიმიმისა და ბრალდებულის ქონებრივი შესაძლებლობის გათვალისწინებით.

ასევე, მიუხედავად იმისა, რომ სსსკ აღკვეთის ლონისძიების რამდენიმე სახეს ითვალისწინებს (მაგალითად, გაუსვლელობისა და სათანადო ქცევის შესახებ შეთანხმება), იმ საქმეებიდან, რომლებსაც საიას მონიტორები აკვირდებოდნენ, არც ერთ შემთხვევაში არ მომხდარა აღკვეთის ლონისძიების ზემოთ ჩამოთვლილი სახეების გამოყენება. არადა, ნაკლებად მძიმე კატეგორიის დანაშაულების შემთხვევაში, ბრალდებულის მიმართ რომელიმე მათგანის გამოყენება სავსებით გონივრულ ლონისძიებად ჩაითვლებოდა.

სასამართლოს მიერ შეფარდებული გირაოს თანხა, ძირითადად, პროკურორის მოთხოვნის იდენტური იყო. ამასთან, ხშირ შემთხვევაში, ის ბრალდებულის ფინანსური მდგომარეობისა და ბრალად წარდგენილი დანაშაულის არაპროპორციული იყო, მაგალითად:

- იმ შემთხვევათა 78%-ში, სადაც ბრალდებამ გირაოს შეფარდება მოითხოვა (49-დან 38 შემთხვევა), სასამართლოს მიერ შეფარდებული გირაოს თანხა პროკურორის მოთხოვნის იდენტური იყო;
- სასამართლომ 49-დან მხოლოდ 13 შემთხვევაში (27%) გამოიყენა გირაო მაშინ, როდესაც პროკურორი პატიმრობას ითხოვდა. აღნიშნული 13 შემთხვევიდან ათი ბრალდებული (77%) ყოფილი მაღალი თანამდებობის პირი იყო. აღსანიშნავია, რომ არც ერთი მსგავსი შემთხვევა არ დაფიქსირებულა მონიტორინგის განხორციელების წინა პერიოდის (2011 წლის ოქტომბრიდან 2012 წლის ოქტომბრამდე) განმავლობაში.
- პირველი წარდგენის სხდომებზე, 62-დან 37 შემთხვევაში (59%), მოსამართლემ დაასაბუთა გირაოს გამოყენება. პროკურატურამ მხოლოდ ამ 37 საქმეში წარმოუდგინა სასამართლოს ბრალდებულის ფინანსური მდგომარეობის დასაბუთება. სასამართლომ ყველა შემთხვევაში გამოიყენა გირაო, როდესაც ამას პროკურორი ითხოვდა, გარდა ერთი გამონაკლისისა, რომელიც ერთ-ერთი ყოფილი მაღალი თანამდებობის პირს შეეხებოდა და იმავე საქმეში (სხვა ეპიზოდი) უკვე შეფარდებული ჰქონდა გირაო.
- ამასთან, პროკურორის მიერ მოთხოვნილი და სასამართლოს მიერ შეფარდებული გირაო, ხშირ შემთხვევაში, შეუფერებლად დიდი ოდენობის იყო [იხილეთ ჩარჩოში წარმოდგენილი კონკრეტული მაგალითები].

ალკეთის ღონისძიებად გირაოს გამოყენების მაგალითები

- სოციალურად დაუცველ ბრალდებულებს, რომლებიც ელიავას ბაზრობაზე მუშაობდნენ და ბრალად ედებოდათ ნაკლებად მძიმე დანაშაულის ჩადენა – ხულიგნობა (სსკ მუხლი 239.2.ა), გირაოს სახით შეეფარდათ 5000 ლარი, რომლის გადახდის არავითარი პერსპექტივა ბრალ-დებულებს არ ჰქონდათ;
- ნაკლებად მძიმე დანაშაულისათვის – პირადი მოხმარებისათვის მცირე იდენტობით ნაკონტიკული საშუალების შენახვა და ცივი იარაღის ტარება (სსკ მუხლი 273 და 238¹.1) – ბრალდებულს შეეფარდა გირაო 25 000 ლარის ოდენობით, რაზეც ბრალდებულის ადვოკატმა მკვეთრი პროტესტი გამოოქვა, თუმცა – უშედეგოდ.
- კიდევ ერთ საქმეში, ნაკლებად მძიმე დანაშაულისათვის (წინააღმდეგობა, მუქარა ან ძალადობა საზოგადოებრივი წესრიგის დამცველის ან ხელისუფლების სხვა წარმომადგენლის მიმართ, სსკ მუხლი 353.1), ავადმყოფი დედის ერთადერთ მარჩენალ ბრალდებულს შეეფარდა გირაო 7000 ლარის ოდენობით.
- სოციალურად დაუცველ ბრალდებულს მძიმე დანაშაულის – თაღლითობის (სსკ მუხლი 180.2.ა.ბ) – სავარაუდო ჩადენისათვის შეეფარდა გირაო 35 000 ლარის ოდენობით.

ადსანიშნავია, რომ 2012 წლის ოქტომბრის არჩევნების შემდეგ დაფიქსირდა ორი განსხვავებული და პოტენციურად დაფებითი ცვლილება გირაოსთან მიმართებით:

- წინა მონიტორინგის მონაცემებით, მოსამართლე არასოდეს იყენებდა გირაოს, თუ ამას ბრალდება არ ითხოვდა, ხოლო როდესაც ბრალდება ითხოვდა გირაოს გამოყენებას, სასამართლო ბრალდებულს ყოველთვის უფარდებდა მოთხოვნილი თანხის იდენტურ იდენტიფიკაციის სურათი: 13 ბრალდებულის მიმართ სასამართლომ გამოიყენა გირაო მაშინ, როდესაც პროკურორი პატიმრობის შეფარდებას

ითხოვდა. მათგან 10 ბრალდებული ყოფილი მაღალი თანამდებობის პირი იყო.

- ამასთან, ოქტომბრის არჩევნების შემდეგ სასამართლომ 11 ბრალდებულს შეუფარდა იმაზე ნაკლები ოდენობის გირაო, ვიდრე პროკურორი ითხოვდა. აღსანიშნავია, რომ ამ 11-დან მხოლოდ 1 ბრალდებული იყო ყოფილი მაღალი თანამდებობის პირი.

ამრიგად, მიუხედავად პროკურორის მიერ პატიმრობის მოთხოვნისა, სასამართლო ყოფილი მაღალი თანამდებობის პირებს უფარდებდა გირაოს, თუმცა, რთულია იმაზე მსჯელობა, სასამართლოს ღმობიერი მიღვომა გამოწვეული იყო ბრალდებულთა თანამდებობრივი მდგომარეობით წინა მთავრობაში, თუმცა, ზოგადად, ასახავდა სასამართლოს შეცვლილ მიღვომას არჩევნების შემდეგ. ამის დადგენა მომავალში განგრძობითი დაკვირვების შემდეგ იქნება შესაძლებელი. სასამართლოს პოტენციურად შეცვლილი დამოკიდებულების უკეთ შესაფასებლად, საია განსაკუთრებული ინტერესით დაკვირდება სასამართლო პროცესის ამ ასპექტს.

1.3. სხდომების ჩატარების შესახებ ინფორმაციის წინასწარ გამოქვეყნება

პირველი წარდგენის სხდომების მონიტორინგის შედეგად, ასევე გამოვლინდა პროცედურული პრობლემა, რომელიც საქმის საჯარო განხილვის უფლებას უკავშირდებოდა.

ბრალდებულის უფლება სასამართლოში საჯარო განხილვაზე გარანტირებულია საქართველოს კონსტიტუციით,¹⁵ ადამიანის უფლებათა და ძირითად თავისუფლებათა ევროპული კონვენციით¹⁶ და საქართველოს სისხლის სამართლის

¹⁵ საქართველოს კონსტიტუციის 85-ე მუხლი: „სასამართლოში საქმე განხილება დია სხდომაზე. დაუკულ სხდომაზე საქმის განხილება დასაშვებია მხოლოდ კანონით გათვალისწიებულ შემთხვევებში. სასამართლო გადაწევებილება ცხადდება საქვეყნით“.

¹⁶ ადამიანის უფლებათა ევროპული კონვენცია, მუხლი 6.1: „[...] სისხლის სამართლებრივი ნებისმიერი ბრალდების განსაზღვრისას, კველას აქვს უფლება კანონით შექნილი დამოკიდებელი და მიუკართობებელი სასამართლოს მიერ გონივრულ გადაში სამართლიან და საჯარო მოსმენაზე. სასამართლო გადაწევებილება ცხადდება საჯაროდ, მაგრამ დემოკრატიულ საზოგადოებაში ზნეობის, საზოგადოებრივი წერიგის ან ეროვნული უშიშრიების ინტერესებიდან გამომდინარე, პრესა და საზოგადოება შეიძლება

საპროცესო კოდექსით.¹⁷

საჯარო განხილვის უფლებით ეფექტურად სარგებლობისთვის საკმარისი არ არის მხოლოდ საზოგადოების დასწრება სისხლის სამართლის საქმის განხილვაზე; საზოგადოებას ასევე უნდა ჰქონდეს უფლება, ნინასწარ იყოს ინფორმირებული საქმის შესახებ, რათა ჰქონდეს შესაძლებლობა, დაესწროს მის განხილვას. აქედან გამომდინარე, საჯარო განხილვის უფლება სასამართლოს ავალდებულებს, უზრუნველყოს საქმის განხილვის თარიღის, ადგილის, ბრალდებულის სრული სახელისა და გვარის და ბრალად წაყენებული მუხლების ნინასწარ გამოქვეყნება.

გამოვლენილი შედეგები

74 აღკვეთის ღონისძიების სხდომიდან, რომელთაც საია დააკვირდა, სასამართლოს არც ერთი სხდომის შესახებ ინფორმაცია ნინასწარ საჯაროდ არ გამოუქვეყნებია.

აღსანიშნავია, რომ ეს ტენდენცია მონიტორინგის დასაწყისიდან, 2011 წლის ოქტომბრიდან, ფიქსირდება. მიუხედავად საიას აქტიურობისა და ამ პრობლემის შესახებ მართლმსაჯულების სისტემის წარმომადგენელთა ინფორმირებისა, სამწუხაროდ, მდგომარეობა უცვლელი რჩება. აღსანიშნავია სასამართლოს არგუმენტი ამასთან დაკავშირდებით, კერძოდ, პირველი წარდგენის სხდომები იმართება ბრალდებულის დაკავებიდან მოკლე ვადებში და აღნიშნულ ხარვეზს სწორედ ამ მიზეზით წარმოშობილი ტექნიკური პრობლემები განაპირობებს. საიას მოსაზრებით, ასეთი პოზიცია წამდილად ვერ ჩაითვლება საჯარო განხილვის უფლების უხეში დარღვევის გამართლებად.

არ დაიშვას სასამართლო განხილვის მთელ ან მის ნაწილზე, თუ ამას მოითხოვს არასრულწლოვნობა ინტერესები ან მხარეთა პირადი ცხოვრების დაცვა, ან სასამართლოს შეხედულებით, განსაკუთრებულ გარემოებებში, მეცნიერებულ აუცილებლობის ზღვრამდე, თუ საჯარობა ზიანს მიაყენებდა მართლმსაჯულების ინტერესებს”.

¹⁷ საქორთველოს სისხლის სამართლის პროცესი, მუხლი 10.1.: „სასამართლო სხდომა, როგორც წესი, ბრალდება საჯაროდ და ზეპირად. სხდომის დახურვა დასაშვებია მხოლოდ ამ კოდექსით გათვალისწინებულ შემთხვევებში.” იმავე მუხლის მე-2 ნაწილი: „სასამართლოს მიერ მიღებული ყველა გადაწყვეტილება ცხადდება საჯაროდ”.

2. წინასასამართლო სხდომები

წინასასამართლო სხდომაზე სასამართლო განიხილავს მხარეთა მიერ წარმოდგენილი მტკიცებულებების დასაშვებობის საკითხს, რომელიც შემდგომში უნდა იყოს განხილული. აღნიშნული სტადია არსებითად მნიშვნელოვანია იმდენად, რამდენადაც განაჩენი ეყრდნობა დასაშვებად ცნობილ მტკიცებულებებს, რომლებსაც შემდგომ გამოიკვლეეს სასამართლო.

სასამართლოს გადაწყვეტილება წინასასამართლო სხდომაზე წარმოდგენილ შუამდგომლობებზე უნდა იყოს დამოუკიდებელი და მიუკერძოებელი წებისმიერი მხარის მიმართ. ბრალდებულის უფლება, რომ მისი საქმე განხილულ იქნეს მიუკერძოებლად, აღიარებულია საქართველოს კონსტიტუციის 84-ე მუხლით, ადამიანის უფლებათა ევროპული კონვენციის მე-6 მუხლით და გარანტირებულია საქართველოს სისხლის სამართლის საპროცესო კოდექსით.

გამოვლენილი შედეგები:


წინასასამართლო სხდომების სტატისტიკური მონაცემები ბადებს კითხვას სასამართლოს მიუკერძოებლობასთან დაკავშირებით, რაც პირდაპირ კავშირშია ბრალდებულის უფლებასთან – მისი საქმე განხილულ იქნეს მიუკერძოებლად.


მონიტორინგის წინა პერიოდების მსგავსად, სასამართლომ ამ-ჯერადაც დააკმაყოფილა პროკურორის აპსოლუტურად ყველა, 74-ვე შუამდგომლობა მტკიცებულებათა წარდგენის შესახებ, მიუხედავად იმისა, რომ 9 მათგანს დაცვის მხარე ენინაალმდე-გებოდა. საიას მიერ განხორციელებული მთელი მონიტორინგის მანძილზე (2011 წლის 1 ოქტომბრიდან 2012 წლის დეკემბრის ჩათვლით, ბრალდების მხარის მიერ წარმოდგენილი 191 შუამდ-გომლობიდან მტკიცებულებათა წარდგენის შესახებ, დაკმაყ-ოფილდა 191-ვე, მიუხედავად იმისა, რომ 23 შემთხვევაში მას დაცვა ეწინაალმდეგებოდა.

ბოლო მონიტორინგის განმავლობაში დაფიქსირდა ასევე სა-სამართლოს მხრიდან დაცვის მხარის მიერ წარმოდგენილ მტ-კიცებულებათა შესახებ შუამდგომლობების დაკმაყოფილების ტენდენცია, რაც შესამჩნევი ცვლილებაა წინა მონიტორინგის მაჩვენებლებთან შედარებით. მონიტორინგის ამ პერიოდში სასამართლომ დაცვის 22 შუამდგომლობიდან 22-ვე დააკმაყ-ოფილა. ყურადსალებია ის ფაქტი, რომ ამ 22 შუამდგომლო-

ბიდან სასამართლომ ერთი დააკმაყოფილა იმის მიუხედავად, რომ მას პროეურორი ენინაალმდეგებოდა. ეს შემთხვევა 2012 წლის ოქტომბრის არჩევნების შემდეგ დაფიქსირდა. თუმცა, ჯერ კიდევ გაურკვეველი რჩება, დაცვის შუამდგომლობების დაკმაყოფილება სასამართლოს დამოკიდებულების არსებითი ცვლილებაა თუ – არა. საიას მთელი მონიტორინგის მანძილზე, დაცვის მიერ მტკიცებულებათა წარდგენის შესახებ დაყენებული 51 შუამდგომლობიდან მხოლოდ 45 დაკმაყოფილდა.

არანაკლებ მნიშვნელოვანია ის ფაქტი, რომ საიას მთელი მონიტორინგის მანძილზე სასამართლომ შვიდიდან ექვს შემთხვევაში დააკმაყოფილა პროკურორის წინააღმდეგობა დაცვის შუამდგომლობებთან დაკავშირებით. ეს წარმოადგენს 86%-იან წარმატებას პროკურორის შვიდი წინააღმდეგობისთვის დაცვის შუამდგომლობებთან მიმართებით, მაშინ როდესაც დაცვას 0%-იანი წარმატება ჰქონდა, მიუხედავად თავისი 23 წინააღმდეგობისა პროკურორის შუამდგომლობებთან მიმართებით.





3. საპროცესო შეთანხმების სხდომები

საპროცესო შეთანხმება არის სამართალწარმოების დაჩიქარებული სახე, რომლის დროსაც დაცვისა და ბრალდების მხარეს შორის ფორმდება შეთანხმება ბრალსა ან სასჯელზე, ბრალის აღიარებით ან მის გარეშე.

სსსკ-ის 213 მუხლის მიხედვით, მოსამართლე ამონმებს, დასაბუთებულია თუ არა ბრალდება და სამართლიანია თუ არა პროცესურორის მიერ წარმოდგენილ შუამდგომლობაში აღნიშნული სასჯელი.¹⁸

სასჯელის სამართლიანობაში დასარწმუნებლად მოსამართლემ ყოველი კონკრეტული გარემოების შესაბამისად უნდა იმსჯელოს, რა დროსაც უნდა გაითვალისწინოს პირის ინდივიდუალური მახასიათებლები, დანაშაულის ჩადენის გარემოებები და შეთანხმებული სასჯელი¹⁹. კანონმდებლობით

¹⁸ ამერიკის შეერთებული შტატების ფედერალური კანონმდებლობით, მოსამართლეს იგივე ვალდებულება ეკისრება.

http://www.law.cornell.edu/rules/fcrmp/rule_11. The American Bar Association's model standards for plea agreements envisage the same obligations

http://www.americanbar.org/publications/criminal_justice_section_archive/crimjust_standards_guiltypleas_blk.html#3.3

¹⁹ სისხლის სამართლის კოდექსი (სსკ), მუხლი 53.

პირდაპირ არ არის განსაზღვრული, რა სახით და ფორმით შეიძლება სასჯელის სამართლიანობაში დარწმუნება. თუმცა, სასჯელის შეფარდების ზოგადი პრინციპებიდან გამომდინარე, მაგალითად ჯარიმის შეფარდებისას მოსამართლეს შეუძლია გამოარკვიოს: როგორი ქონებრივი მდგომარეობა აქვს ბრალდებულს; რამდენად შეძლებს იგი შეფარდებული ჯარიმის გადახდას; რამდენად შეესაბამება შეფარდებული ჯარიმის ოდენობა მიყენებულ ზიანს, დანაშაულის ჩადენის გარემოებებს და საქმის არსებითი განხილვის შემთხვევაში მოსალოდნელი სასჯელის ზომას. ამასთან, კანონის თანახმად, წინასასამართლო სხდომამდე მოსამართლეს შეუძლია მხარეებს შესთავაზოს შეცვლილი პირობებით საპროცესო შეთანხმების გაფორმება²⁰. აღნიშნულით კანონი მოსამართლეს, შეზღუდულად და წარმოების მხოლოდ ერთ სტადიაზე, მაგრამ მაინც, გარკვეულ ბერკეტს ანიჭებს, რომ მოახდინოს გავლენა სასჯელის სამართლიანობაზე.

გამოვლენილი შედეგები:

მიუხედავად სასამართლოზე დაკისრებული ვალდებულებისა, საპროცესო შეთანხმების განხილვის დროს გამოვლინდა მოსამართლის პასიური როლი. საპროცესო შეთანხმების დადება იმ საქმეებზე, რომლებსაც საია მონიტორინგის ფარგლებში აკვირდებოდა, თითქმის ავტომატურ რეჟიმში მიმდინარეობდა და საერთოდ არ ხდებოდა შეთანხმების კანონიერებისა და სამართლიანობის დადგენა.

მოსამართლის პასიურობა თვალსაჩინოა იმ ფონზე, როდესაც მან დაამტკიცა ყველა საპროცესო შეთანხმება და არც ერთ საქმეში არ დაინტერესებული სასჯელის სამართლიანობით. 69 საპროცესო შეთანხმების სხდომიდან, სასჯელის

²⁰ სსსქ-ს 213.5 მუხლის თანახმად, თუ წინასასამართლო სხდომის ჩატარებამდე იხილება შეამდგომლობა საქმის არსებითი განხილვის გარეშე განაჩენის გამოტანის თაობაზე და სასამართლო მიიჩნევს, რომ არ არსებობს ბრალის დამადასტურებელი საქმარისი მტკიცებულებანი, ან დაადგენს, რომ შეამდგომლობა სასამართლოს მიერ საქმის არსებითი განხილვის გარეშე განაჩენის გამოტანის თაობაზე წარდგენილია ამ თავის მოთხოვნათა დარღვევით, იგი საქმეს უბრუნებს პრიუტორს. სასამართლო პრიუტორისათვის საქმის დაბრუნებამდე მხარეებს სთავაზობს, შეამდგომლობის სასამართლო განხილვისას შეცვალონ საპროცესო შეთანხმების პირობები, რაც შეთანხმებული უნდა იყოს ზემდგომ პროცესორთან. თუ სასამართლოს შეცვლილი პირობებიც არ აქმაყიფილებს, იგი საქმეს უბრუნებს პროკურორს.

სამართლიანობასთან დაკავშირებით, მხოლოდ ერთ სხდომაზე გაიმართა მსჯელობა, სადაც მოსამართლე მხოლოდ საპროცესო ფორმალობით შემოიფარგლა და ბრალდებულს ჰკითხა, ეთანხმებოდა თუ არა პროცესორის მიერ წარმოდგენილ შუამდგომლობას. მოსამართლეს მეტი კითხვა – ბრალდებულის მდგომარეობის გამოსარკვევად და სასჯელის სამართლიანობის დასადგენად – არ დაუსვამს.

საიას დაკავირვების შედეგად, გამოვლინდა შემდეგი ძირითადი ტენდენციები:


- 69 სხდომიდან, რომლებზეც საპროცესო შეთანხმება განიხილებოდა, მოსამართლემ ყველა შემთხვევაში დაამტკიცა საპროცესო შეთანხმება;
- 69 საპროცესო შეთანხმებიდან, სასამართლომ ყველა დაამტკიცა სასჯელის სამართლიანობის შესახებ მსჯელობის გარეშე. აღნიშნულთან დაკავშირებით კითხვები არც მოსამართლეს დაუსვამს;
- მოსამართლემ ზემოაღნიშნული 69 საპროცესო შეთანხმების დამტკიცებიდან მხოლოდ ერთ შემთხვევაში გამოასწორა პროცესორის სამართლებრივი ხარვეზი საპროცესო შეთანხმებაში, შეკრიბა სასჯელები, შეიტანა ცვლილებები და მიუთითა ჩასწორებაზე;²¹
- დადგინდა, რომ 69 საპროცესო შეთანხმებიდან 47 შემთხვევაში (68%) ბრალდებულს დამატებით სასჯელად შეეფარდა ჯარიმა. შეფარდებულმა ჯარიმებმა მთლიანობაში 474 000 ლარი შეადგინა, რაც საკმაოდ დიდი ოდენობაა მხოლოდ 47 საქმის გათვალისწინებით. მართალია დაკავირვებულ საქმეთა მცირე რაოდენობის გამო, რთულია მასშტაბური შეფასებების გაკეთება, თუმცა, აღნიშნული სტატისტიკური მაჩვენებელი გვაძლევს საფუძველს, ვივარაუდოთ, რომ შესაძლოა საპროცესო შეთანხმებების გაფორმების ერთ-ერთი მიზანი სახელმწიფოს საბიუჯეტო შემოსულობების ზრდა იყოს;
- 47 საქმეში სულ 52 ბრალდებულის მიმართ იქნა გამოყენებული ჯარიმა, საიდანაც თითოეულს საშუალოდ 9,115 ლარი შეეფარდა. შეფარდებული ჯარიმებიდან მაქსიმალური ოდენობა 100 000 ლარი იყო, მინიმალური კი — 500.²²

²¹ მოსამართლემ საპროცესო შეთანხმებაში ცვლილება შეიტანა მხარეთა ნებართვით, როგორც ამას სსიქ-ს 213.6 მუხლი ითვალისწინებს.

²² სსიქ-ს 42.2 მუხლის თანახმად ჯარიმის მინიმალური ოდენობა 2000 ლარია,

საპროცესო შეთანხმებები

დამტკიცებული
68



შესწორებული 1

უარყოფილი 0

თუმცა სასამართლოს შეუძლია უფრო ნაკლები ოდენობის ჯარიმის შეფარდება ქონქრეტულ შემთხვევებში. საიმ დაფიქსირა 2000 ლარზე ნაკლები ოდენობის ჯარიმის შეფარდება 3 შემთხვევაში, თუმცა, არც ერთხელ წარმოდგენილი არ ყოფილა ჯარიმის შემცირების საფუძველი.

II. ბრალდებულთა ძირითადი უფლებები

წინამდებარე თავში მოცემულია ის პრობლემები, რომლებიც გამოვლინდა ბრალდებულთა კონკრეტულ უფლებებთან კავშირში. წინა თავში განხილული საკითხებისგან განსხვავებით, აღნიშნული პრობლემები დამახასიათებელი არ არის კონკრეტულად რომელიმე საპროცესო სტადიისთვის.

1. მხარეთა თანასწორობა და შეჯიბრებითობა

მხარეთა თანასწორობა და შეჯიბრებითობა წარმოადგენს სისხლის სამართალნარმობების ძირითად პრინციპს, რომელიც განმტკიცებულია საქართველოს კონსტიტუციის 42-ე მუხლით, ადამიანის უფლებათა ეკროპული კონვენციის მე-6 მუხლით და სისხლის სამართლის საპროცესო კოდექსის მე-9 და 25-ე მუხლებით.

მხარეთა თანასწორობა და შეჯიბრებითობა ნიშნავს, რომ სისხლის სამართლის პროცესის მონაწილე მხარეებს სამართალნარმობებისას თანასწორი უფლებები გააჩნიათ და საქმის მსვლელობისას თანაბარ პირობებში იმყოფებიან.²³ მხარეთა თანასწორობისა და შეჯიბრებითობის პრინციპის უზრუნველსაყოფად, მოსამართლემ მხარეებს თანაბარი პირობები უნდა შეუქმნას და მტკიცებულებათა გამოკვლევისთვის თვითონ არ უნდა ჩაერიოს მასში. გარდა ამისა, მოსამართლე არ უნდა გასცდეს ბრალდების ფარგლებს და უნდა მოექცეს მხოლოდ მხარეთა მიერ წარმოდგენილი პოზიციის ჩარჩოებში.

მხარეთა თანასწორობის პრინციპი განსაკუთრებულ მნიშვნელობას იძენს სისხლის სამართლის საქმეების განხილვისას, როდესაც ბრალდებას სახელმწიფო რესურსი და ძალაუფლება გააჩნია, ხოლო დაცვის მხარე უფრო არასახარბიელო მდგომარეობაში იმყოფება.

²³ იხილეთ საქართველოს კონსტიტუცია, მუხლი 42.6: “ბრალდებულს უფლება აქვს, მოითხოვოს თავისი მოწმეების ისეთსავე პირობებში გამოძახება და დაკითხვა, როგორიც აქვს ბრალდებულის მოწმეებს.” აგრეთვე, ადამიანის უფლებათო ევროპული კონვენციის მუხლი 6.3: „ყველას, ვისაც ბრალდება სისხლის სამართლის დანაშაულის ჩადენა, აქვს უფლებათა შემდეგი მიზნიშვილი: [...] d) დაკითხოს ან დაიკითხოს მის წინადმდევ ჩვენების მიმცემი მოწმეები და უზრუნველყოფილ იქნეს დაცვის მოწმეთა დასწრებით და დაკითხვით მის წინადმდევ ჩვენების მიმცემ მოწმეთა პირობებში”.

გამოვლენილი შედეგები

მხარეთა თანასწორობისა და შეჯიბრებითობის პრინციპი სისხლის სამართლის პროცესის ყველა ასპექტში იჩენს თავს. ის მოიცავს მოქმედებას ან უმოქმედობას მოსამართლის, ბრალდებისა და დაცვის მხრიდან. ამგანსხვავებულ ფაქტორებზე საიას დაკვირვების შედეგები ასე გამოიყურება:

- მოსამართლები, უმეტეს შემთხვევაში, წარმატებით ახ-ერხებდნენ სასამართლო დარბაზში სიტუაციის გაკონ-ტროლებას და მხარეთა შეჯიბრებითობის უზრუნველყოფას. გარდა გამონაკლისის შემთხვევებისა, არ ერეოდნენ მოწმეთა დაკითხვაში და არ სცდებოდნენ ბრალდების ფარ-გლებს.
- 207 არსებითი განხილვის სხდომიდან, რომელსაც საია აკ-ვირდებოდა, მოწმეთა დაკითხვა 64 სხდომაზე მოხდა. ამ 64 სხდომიდან 11 შემთხვევაში მოსამართლები აქტიურად იყვნენ ჩართული მოწმეთა დაკითხვის პროცესში:
 - ✓ აღნიშნული 11 სხდომიდან 4 შემთხვევაში მოსამართლემ მხარეთა ნებართვით დასვა კითხვები, როგორც აქას სსს-ს 25.2 მუხლი მოითხოვს.
 - ✓ შვიდ შემთხვევაში მოსამართლემ დაარღვია სსსკ-ს მოთხოვნები და მხარეთა ნებართვის გარეშე დასვა კითხვები; ამ შვიდიდან ორ შემთხვევაში მოსამართლემ დასვა შვიდ-შვიდი შეკითხვა. ამ 7 საქმიდან არც ერთ სხ-დომაზე მხარებს არ გამოუთქვამთ პროტესტი სსსკ-ს მოთხოვნების დარღვევის გამო.
- 428 სხდომიდან სამ შემთხვევაში (ერთი პირველი ნარდგენის სხდომა, ერთი წინასასამართლო სხდომა და ერთი არსებითი განხილვის სხდომა) მოსამართლე აშკარად შეიქრა პროკურორის უფლებამოსილებაში, კერძოდ:
 - ✓ წინასასამართლო სხდომაზე: მოსამართლემ მიანიშნა პროკურორს დანაშაულის კვალიფიკაციის შეცვლისკენ. ბრალდებულს ბრალი ედებოდა სისხლის სამართლის კოდექსის 261-ე მუხლის 1-ლი ნაწილით გათვალის-წინებული დანაშაულის ჩადენაში – ფსიქოტროპული ნივთიერების ან მისი ანალოგის უკანონო შეძენა და გასაღება. მოსამართლემ აღნიშნა, რომ ბრალი უნდა დამძიმებულიყო ნივთიერების დიდი ოდენობის გამო: „ჩემდა გასაკვირად, 1-ლი ნაწილით წარგიდგინეს ბრა-ლი, მაშინ როცა მე-2 ნაწილით უნდა წარედგინათ, იმი-

- ტომ, რომ ეს ოდენობა უკვე მეორე ნაწილია, მაგრამ სა-
სამართლო ვერაფერს იზამს, არადა მე-2 ნაწილით უნდა
წარედგინათ". საიამ ვერ შეძლო იმის დადგენა, დაუმძი-
მა თუ არა პროკურორმა ბრალდებულს ბრალი.
- ✓ პირველი ნარდგენის სხდომაზე ბრალდებულს ბრალი
ედებოდა თალღითობაში – სისხლის სამართლის კოდ-
ექსის 180-ე მუხლით გათვალისწინებულ დასაშაულში.
ბრალდებულმა დაზარალებულისაგან მაღალი პროცენ-
ტით ისესხა ფული და უკან დაბრუნება ვეღარ მოახერხა.
მოსამართლემ მიანიშნა პროკურორს, რომ დაზარალე-
ბულიც მიეცა სისხლის სამართლებრივ პასუხისმგებაში.
მოსამართლე: „თავად ეს პირი [დაზარალებული] დარეგ-
ისტრიორებულია, რომ [თანხას] ასესხებს? პროკურორი:
„არა“. მოსამართლე: „მერე თვითონ არ არის პასუხის-
მებაში მისაცემი? 20% არც ერთ საპაზრო ჩარჩოში არ
ჯდება“. პროკურორი: „მივაძეცევთ ამას ყურადღებას“.
საიამ ვეღარ მოახერხა იმის დადგენა, იქნა თუ არა მსხ-
ვერპლი მიცემული სისხლისსამართლებრივ პასუხის-
მებაში.
 - ✓ არსებითი განხილვის სხდომაზე მოსამართლემ
პროკურორს მიუთითა: „მოკლედ ჩამოაყალიბეთ
საკითხი, რა არის მითითებული და დასკვნა“, იქვე სხხ-
ოვა, რომ მცირე დროში ჩატეულიყო. შესაბამისად,
პროკურორი კითხულობდა მხოლოდ მტკიცებულებათა
სათაურებს, ორი სიტყვით გადმოსცემდა, თუ რა ეწერა
დოკუმენტში და, იშვიათად, ასახელებდა დოკუმენტის
შემდგენის ვინაობას და თარიღს.
 - დაკვირვების შედეგად, მხარეთა აქტიურობის თვალსაზ-
რისით, თვალშისაცემი განსხვავება გამოვლინდა, რაც საბ-
ოლომ ჯამში მხარეთა შეჯიბრებითობაზე არსებით გავლე-
ნის ახდენს. კერძოდ, დაცვის მხარე, ბრალდების მხარესთან
შედარებით, მტკიცებულებათა წარდგენის დროს შესამჩნე-
ვად პასიური იყო. 74 წინასასამართლო სხდომიდან, რომ-
ლებსაც საია აკვირდებოდა, ბრალდებამ ყველა სხდომაზე
დააყენა შუამდგომლობა მტკიცებულებათა წარდგენის
შესახებ, მაშინ, როდესაც დაცვამ მხოლოდ 22 შემთხვევაში
დააყენა ასეთი შუამდგომლობა.

2. დაცვის უფლება

ბრალდებულისდაცვისუფლებაწარმოადგენსუმნიშვნელოვანეს გარანტს სისხლის სამართალწარმოების დროს, რომელიც გათვალისწინებულია როგორც საქართველოს კონსტიტუციის 42-ე მუხლით, ისე ადამიანის უფლებათა ევროპული კონვენციით. ამასთან, სისხლის სამართლის საპროცესო კოდექსის 45-ე მუხლი ითვალისწინებს ბრალდებულის სავალდებულო დაცვას ისეთ შემთხვევებში, როდესაც ბრალდებულისა და მისი უფლებების დაცვის განხორციელება, შესაძლოა, გარკვეულ რისკებს შეიცავდეს. მაგალითად, ეს ეხება საქმეებს, სადაც ბრალდებული არ ფლობს სამართალწარმოების ენას, ან მასთან მიმდინარეობს მოლაპარაკება საპროცესო შეთანხმებაზე, ანდა, როდესაც ბრალდებული ფიზიკურად/გონიერივად შეზღუდულია, რაც ხელს უშლის მის მიერ საკუთარი თავის დაცვის განხორციელებას.²⁴

დაცვის უფლების სრულყოფილი რეალიზებისთვის, საჭიროა, დაცვას გააჩნდეს ადეკვატური დრო და საშუალება დაცვის მოსამზადებლად. გარდა ამისა, ბრალდებულის ინტერესების დამცველი ადვოკატი ყველა შესაძლო კანონიერი გზით უნდა შეეცადოს თავისი დაცვის ქვეშ მყოფის ინტერესების დაცვას.

გამოვლენილი შედეგება

მონიტორინგის შედეგად გამოვლინდა, რომ დაცვის უფლება საქმეთაუმრავლესობაშიდაცულიყოდა, სავალდებულოდაცვის შემთხვევებში, ადვოკატი ძირითადად უზრუნველყოფილი იყო.

მიუხედავად ამისა, გამოვლინდა დაცვის უფლების დარღვევის გარკვეული შემთხვევები, რომლის დროსაც ადვოკატი

²⁴ სსხკ-ის მუხლი 45: „სავალდებულოა, ბრალდებულს ჰყავდეს ადვოკატი:

- ა) თუ არასრულწლოვანი;
- ბ) თუ არ იცის სისხლის სამართლის პროცესის ენა;
- გ) თუ აქვს ფიზიკური ან ფიქტური ნაჯლი, რაც ხელს უშლის მის მიერ საკუთარი დაცვის განხორციელებას;
- დ) თუ გამოტანდა განჩინება (დადგენილება) სასამართლო-ფსიქიატრიული ექსპერტის დანიშვნის შესახებ;
- ე) თუ ჩადენილი ქმედისთვის საქართველოს სისხლის სამართლის კოდექსით გათვალისწინებულია პასუხისმგებლობა უვადო თავისუფლების აღვევთის სახით;
- ვ) თუ მასთან მიმდინარეობს მოლაპარაკება საპროცესო შეთანხმების დადგინის თაობაზე. [...]”

პასიურობას იჩენდა და არ იყენებდა მის ხელთ არსებულ ყველა შესაძლებლობას ბრალდებულის ინტერესის ჯეროვნად დასაცავად. ამასთან, ხშირად იქმნებოდა შთაბეჭდილება, რომ მთელი საადვოკატო ტაქტიკა საპროცესო შეთანხმების დადებისკენ იყო მიმართული და ადვოკატები ყველანაირად ცდილობდნენ, ბრალდების მიმართ არავითარი წინააღმდეგობა არ გამოეხატათ.

საპროცესო შეთანხმების დადების სურვილი ვერ ამართლებს დაცვის უფლების შეზღუდვას. ადვოკატის პასიურ როლთან ერთად, დაცვის უფლების შეზღუდვა გამოვლინდა ასევე მოსამართლის არაგულისხმიერი დამოკიდებულებით ბრალდებულის მიმართ.

პრობლემის თვალსაჩინოდ წარმოჩენის მიზნით, ქვემოთ მოყვანილია მაგალითები:

- დაცვის უფლების უხეში დარღვევა დაფიქსირდა წინასა-სამართლო სხდომაზე. გაურკვეველი მიზეზით, ადვოკატი პროცესზე არ გამოცხადდა. მიუხედავად მისა, რომ ბრალ-დებულს ბრალი ეფუძიდა ისეთი დანაშაულის ჩადენაში, რომელიც 11 წლამდე ვადით თავისუფლების აღკვეთას ითვალისწინებდა, მოსამართლემ, ფაქტობრივად, დაავალ-დებულა ბრალდებული, თავად დაეცვა საკუთარი ინტერ-ესები, მაშინ, როდესაც ბრალდებულს აშკარად უჭირდა პროცესის დეტალებში გარკვევა.
- ერთ-ერთ შემთხვევაში, როდესაც მოსამართლემ ბრალ-დებულს ჰქითხა, ცნობდა თუ არა თავს დამნაშავედ, ად-ვოკატი კარნახობდა: „ვცნობ“. ბრალდებული ჯერ ჩუმად იყო და ჭოჭმანობდა, შემდეგ კი თქვა: „რომ იცოდეთ, რა კომპრომისზე მივდივარ!“ ამ დროს ადვოკატი კვლავ განაგრძობდა კარნახს: „ვცნობ, ვცნობ“. საბოლოოდ, ბრალ-დებულმა განაცხადა, რომ თავს ცნობდა დამნაშავედ. ამის შემდეგ ადვოკატმა განაცხადა, რომ აპირებდნენ საპროცე-სო შეთანხმების დადებას არსებითი განხილვის სხდომაზე, თუმცა, შეთანხმება ჯერ არ იყო მიღწეული. მოსამართლეს ამ ყველაფერზე რეაგირება არ მოუხდენია.
- ერთ შემთხვევაში, როდესაც ბრალდებულს მოსამართლემ ჰქითხა, ცნობდა თუ არა თავს დამნაშავედ, ბრალდებული თავისი პასუხით, ფაქტობრივად, უარყოფდა დანაშაულის ჩადენას. ამ დროს კი, ადვოკატი მას აღიარებისკენ მოუ-ნიდებდა. როდესაც ბრალდებული დაჰყვა ადვოკატის რჩევას, მოსამართლე ჩაეკითხა, ცნობდა თუ არა თავს

დამნაშავედ. ბრალდებულის პასუხში დანაშაულის ნიშნები კვლავ გამოირიცხა. ადვოკატი ისევ შეეცადა, ბრალდებულს ეღიარებინა დანაშაული, რაზეც მოსამართლისგან შენიშვნა მიიღო. ამ შემთხვევაში, ხაზგასასმელია მოსამართლის მართებული და დროული ქმედების მნიშვნელობა. საბოლოოდ, ბრალდებულმა არ აღიარა დანაშაული.

- ერთ შემთხვევაში, ადვოკატმა წინასწარ იცოდა ბრალდებულის პოზიცია იმის შესახებ, რომ ის არ აღიარებდა დანაშაულს და აპირებდა ჩვენების მიცემას. მიუხედავად ამისა, ადვოკატმა არ მიუთითა ბრალდებული დასაკითხ ცირთა სიაში. ეს კი იმას წინავს, რომ ბრალდებულის დაკითხვა მთლიანად პროკურორის ნებაზე გახდა დამოკიდებული. თუკი პროკურორი მოხსნიდა ბრალდებულის დაკითხვის მოთხოვნას, ბრალდებულს წაერთმეოდა უფლება და შესაძლებლობა, რომ სასამართლო სხდომაზე მიეცა ჩვენება. საიდასთვის უცნობია, საბოლოო ჯამში, მოხდა თუ არა ბრალდებულის დაკითხვა.
- ერთ შემთხვევაში, ბრალდების მხარის მოწმეების დაკითხვისას, ადვოკატებს მათთვის არც ერთი შეკითხვა არ დაუსვამთ და დაკითხვის დროსაც იქმნებოდა შთაბეჭდილება, რომ ადვოკატები საერთოდ არ აქცევდნენ ყურადღებას მოწმეთა ჩვენებებს. ასევე, პროცესის დაწყებამდე ბრალდებულმა ადვოკატებს უსაყვედურა, რომ მისთვის ციხეში არ შეუტანიათ ის დოკუმენტები, რომლებიც მან მოითხოვა. ბრალდებულმა განაცხადა, რომ უკმაყოფილო იყო ადვოკატების მუშაობით.
- ორ შემთხვევაში, გამოიკვეთა ადვოკატის გულგრილი დამოკიდებულება ბრალდებულის მიმართ:
 - ✓ სხდომაზე ბრალდებულმა მოითხოვა შეთანხმებით მოწვეული ადვოკატის აცილება, რადგან ის ერთი თვის განმავლობაში საპატიმრო დაწესებულებაში არ შესულა ბრალდებულის სანახავად. საპასუხოდ, ადვოკატმა განაცხადა, რომ იგი იყო შეუძლილ, ხოლო ბრალდებულმა იცოდა, რომ მიმდინარეობდა შოლაპარაკება საპროცესო შეთანხმებასთან დაკავშირებით. ბრალდებულმა მაინც მოითხოვა ადვოკატის აცილება, რაც სასამართლომ დააკმაყოფილა.
 - ✓ ადვოკატი არ გამოცხადდა სხდომაზე, რადგან ის საზღვარგარეთ იმყოფებოდა. ამის შესახებ ადვოკატმა აცნობა სასამართლოს, თუმცა, ბრალდებულის განცხადებით, მისთვის ეს ფაქტი უცნობი იყო.

3. არასათანადო მოპყრობის აკრძალვა

არასათანადო მოპყრობა აკრძალულია საქართველოს კონსტიტუციით,²⁵ ადამიანის უფლებათა ევროპული კონვენციით²⁶ და სისხლის სამართლის საპროცესო კოდექსით.²⁷ არასათანადო მოპყრობის აკრძალვა იცავს პირს წამებისა და დამამცირებელი მოპყრობისგან.

ამ უფლების განსახორციელებლად, ბრალდებული ნათლად უნდა იყოს ინფორმირებული თავისი უფლებების შესახებ და ჰქონდეს არასათანადო მოპყრობის გამო საჩივრის შეტანის უფლება მიუკერძოებულ მოსამართლესთან. ეს, ლოგიკურად, სასამართლოსაც აკისრებს ვალდებულებას, რომ ბრალდებულს მიაწოდოს ინფორმაცია ამ უფლების შესახებ. აღნიშნული ვალდებულება განსაკუთრებულ მნიშვნელობას იძენს, როცა ბრალდებული იმყოფება პატიმრობაში და, შესაბამისად, სახელმწიფოს მხრიდან სრულ ფიზიკურ კონტროლს ექვემდებარება.

აქვე, საიას აუცილებლად მიაჩინია არასათანადო მოპყრობასთან დაკავშირებით საკანონმდებლო ხარვეზის აღნიშვნა. სისხლის სამართლის საპროცესო კოდექსის მიხედვით, მოსამართლეს მხოლოდ არასათანადო მოპყრობის შესახებ უფლებების განმარტება და არასათანადო მოპყრობის ამსახველი ფაქტების მოსმენა შეუძლია. საპროცესო კანონმდებლობა არ ითვალისწინებს ისეთ პროცედურას, რომელიც უფლებათა დარღვევის სავარაუდო გამოვლენის დროს მოსამართლეს ქმედითი რეაგირების საშუალებას მისცემდა. ნაცვლად ამისა, მოსამართლეს მხოლოდ დეკლარაციულად შეუძლია იმის გამორკვევა, ჰქონდა თუ არა ადგილი არასათანადო მოპყრობას.

²⁵ საქართველოს კონსტიტუციის 17.2 მუხლის თანახმად: „დაუშვებელია ადამიანის წამება, არაპუმანური, სასტიკი ან პატივის და ღირსების შემდასავი მოპყრობა და სასჯელის გამოყენება“.

²⁶ ადამიანის უფლებათა ევროპული კონვენციის მუ-3 მუხლი: „არავინ შეიძლება დაუქვემდებაროს წამებას, არადამიანურ, ან ღირსების შემდასავ მოპყრობას ან დასჯას“.

²⁷ სსეკ მუხლი 4.2: „დაუშვებელია ადამიანის ნების თავისუფლებაზე ზემოქმედება წამების, ძალადობის, სასტიკი მოპყრობის, მოტყუბის, სამდიციონ ჩარვების [...] გამოყენებით, რომლებიც ზემოქმედებს ადამიანის მეხსიერებასა ან აზროვნებაზე. [...]“

გამოვლენილი შედეგები

მონიტორინგის შედეგად, საიამ გამოარკვია, რომ პირველი წარდგენის სხდომების ერთ მეოთხედში მოსამართლე ბრალდებულს არ განუმარტავდა ან სრულყოფილად არ განუმარტავდა არასათანადო მოპყრობასთან დაკავშირებით საჩივრის წარდგენის უფლებას. იმავდროულად, აღსანიშნავია, რომ, ძირითადად, იმ შემთხვევაში, როდესაც მოსამართლე განმარტავდა აღნიშნულ უფლებას, განმარტება ნათელი და გასაგები იყო ბრალდებულისათვის.

დაკვირვების შედეგად გამოიკვეთა შემდეგი ძირითადი ტენდენციები:

- პირველი წარდგენის სხდომების 25%-ში (73-დან 18 შემთხვევა), მოსამართლემ ბრალდებულს არ განუმარტა არასათანადო მოპყრობის შესახებ საჩივრის შეტანის უფლება. პირველი წარდგენის სხდომების 14%-ში კი, მოსამართლეს არც კი უცდია გამოერკვია, ჰქონდა თუ არა ბრალდებულს ასეთი საჩივარი.
- იმ სხდომების 82%-ში (209-დან 171 საქმე), სადაც მოსამართლეს ევალებოდა ბრალდებულისათვის მისი უფლებების განმარტება, უფლებათა მხოლოდ ნაწილი განმარტა. თუმცა, იმ შემთხვევებითა 93%-ში, სადაც მოსამართლემ განმარტა უფლებებათა ნაწილი მაინც, საიას შეფასებით, ბრალდებულთათვის ეს უფლებები მეტ-ნაკლებად ნათელი და გასაგები გახდა.
- საპროცესო შეთანხმების 48%-ში (33 საქმე 69-დან), მოსამართლებმა ბრალდებულს არ განუმარტეს, რომ არასათანადო მოპყრობის შესახებ საჩივრის შეტანა ხელს არ შეუშლიდა კანონის დაცვით დადებული საპროცესო შეთანხმების დამტკიცებას.
- საპროცესო შეთანხმების სხდომათა 67%-ში (46 საქმე 69-დან), მოსამართლებმა ბრალდებულს არ განუმარტეს, რომ საპროცესო შეთანხმების დაუმტკიცებლობის შემთხვევაში, ინფორმაცია, რომელიც მან სასამართლოს მსვლელობისას გაამჟღავნა, არ შეიძლებოდა მომავალში მის ნინაალმდევ ყოფილიყო გამოყენებული.
- 69 საქმიდან 12 შემთხვევაში (17%), სასამართლო ვერ უზრუნველყოფდა იმის გამოირკვევას, იყო თუ არა საპროცესო შეთანხმება დადებული ძალადობის, ზენოლის, მოტყუუბისა და სხვა უკანონო დაპირების შედეგად. 69-დან 20 საქმე-

ში (29%) სასამართლომ ბრალდებულს არ მიაწოდა სრული ინფორმაცია მის უფლებაზე, რომ საპროცესო შეთანხმება უნდა დადგებულიყო ძალადობის, ზენოლის და მოტყუების გარეშე. 69-დან 28 შემთხვევაში (40%) სასამართლომ არ გამოარკვია, ჰქონდა თუ არა ბრალდებულს კვალიფიციური ორიდიული დახმარების მიღების საშუალება.

მონიტორინგის პერიოდში საიამ დააფიქსირა სავარაუდოდ არა-სათანადო მოპყრობის 2 კონკრეტული შემთხვევა:

- ერთ-ერთ წინასასამართლო სხდომაზე ბრალდებული ბადრაგმა სხდომათა დარბაზში ხელით შემოიყვანა, რადგან მას წართმეული ჰქონდა ორივე ფეხი. ბრალდებულის განცხადებით, მას ეს დაზიანება პოლიციის შენობაში მიადგა. კერძოდ, თავის არეში მიყენებული დარტყმის შედეგად მას დაუზიანდა ნერვი, რის შემდეგაც წაერთვა ქვედა კიდურები. ამ შემთხვევაში, ხაზგასასმელია მოსამართლის შესაბამისი რეაგირება უფლების დარღვევასთან დაკავშირებით, კერძოდ, მოსამართლე დაინტერესდა, დაწყებული იყო თუ არა გამოძიება ამ ფაქტთან დაკავშირებით და მკურნალობის როგორი პირობები ექნებოდა ბრალდებულს მომავალში. მოსამართლემ დაადგინა, რომ ფაქტის გამოძიება უკვე მიმდინარეობდა, ბრალდებულს კი, სამკურნალოდ შესაბამის სამედიცინო დაწესებულებაში მოათავსებდნენ:

მოსამართლე: „ამაზე მიდის გამოძიება და აღძრულია საქმე?“

პროკურორი: „დიახ, მიდის გამოძიება და დაკითხულებიც არიან პირები [მოწმეები].“

მოსამართლე: „ადასტურებთ ამას? [რაც პროკურორმა თქვა]“

ბრალდებული: „კი.“

მოსამართლე: „იკურნება?“

ბრალდებული: „არ ვიცი, თავში გაქვს ნერვი დაზიანებული და იმიტომ გჭირსო.“

მოსამართლე: „გაქცევებ ციხეში ყურადღებას ხომ?“

ადვოკატი: „ციხის პირობებში ვერ უმკურნალებენ, საერთო პროფილის კლინიკა უნდა ამას, ვერ ციხეს ხელშეკრულება არ აქვს გაფორმებული ასეთთან.“

მოსამართლე: „მიაქციეთ მხარეებმა ყურადღება, გადაიყვანეთ

შესაბამის კლინიკაში.“

- არსებით სხდომაზე დაკითხვისას, მოწმემ განაცხადა, რომ მას საქმის გარკვეული ეპიზოდები ახსოვდა, ნაწილი კი არა, რადგან მასზე მუდმივად მიმდინარეობდა ზეწოლა ციხის თანამშრომლების მხრიდან: „სულ მცემდნენ, ერთხელ ძალიან მოუკიდათ [ჩემი ცემა], არ ვიცი რა მირტყეს, ფეხზე რომ დავიხედე, სისხლი მომდიოდა. სანამ საკანში ამიყვანდნენ, დამემუქრნენ და გამაფრთხილეს მეტვა, რომ რომელიმე ბიჭმა მცემა საკაში, მაიძულეს [საკანში მყოფთაგან] ერთ-ერთისთვის დამებრალებინა“. ამის შემდეგ მოწმემ ტირილი დაინყო. მოწმემ განაცხადა, რომ არ ეთანხმება არც ერთ ჩვენებას, რადგან მას, უბრალოდ, რაღაც ფურცლებზე მოაწერინეს ხელი და არ იცის, იქ რა ეწერა. ამასთან აღნიშნა, რომ ასე მუქარის გამო მოიქცა. მოწმემ ალიარა, რომ მინანერი „ჩვენებას ვეთანხმები“ და ხელმოწერა მისია, თუმცა, ეს იძულებით გააკეთა. მისივე განცხადებით, იგი უბრალო გლეხი კაცია და არ ესმოდა, რას ეკითხებოდნენ. მოსამართლემ დააკმაყოფილა დაცვის მხარის შუამდგომლობა და გადადო სხდომა, რათა მოწმეს საშუალება მისცემოდა, ესარგებლა ადვოკატის მომსახურებით, შესაბამის ორგანოებს კი – გამოეძიებინათ ფაქტი, რომელზეც მოწმე საუბრობდა.

პირველ შემთხვევაში, მოსამართლემ გამოარკვია გამოძიების დაწყების შესახებ ინფორმაცია, მიუხედავად იმისა, რომ მოქმედი სისხლის სამართლის საპროცესო კოდექსი არ ავალდებულებს მოსამართლეს, გამოარკვიოს ინფორმაცია გამოძიების დაწყების ან შესაბამის ორგანოთა მიერ გატარებული ღონისძიებების შესახებ.

მეორე შემთხვევაში, მოსამართლე გასცდა კანონის ჩარჩოებს, ვინაიდან მოწმის სასამართლო პროცესზე დაკითხვის დროს კანონი არ ითვალისწინებს ადვოკატით უზრუნველყოფის შესაძლებლობას. საია მიზნევს, რომ არსებული კანონმდებლობა საჭიროებს ცვლილებას აღნიშული მიმართულებით, რათა მოსამართლეს მიეცეს ამ კუთხით მოქმედების თავისუფლება პატიმრობაში მყოფ პირთა მიმართ არასათანადო მოპყრობის ალ-საკვეთად.

4. მიუკერძოებლად საქმის განხილვის უფლება

როგორც ზემოთ აღვნიშნეთ, მიუკერძოებლად საქმის განხილვა ბრალდებულის ერთ-ერთი მნიშვნელოვანი უფლებაა.

გამოვლენილი შედეგები

დადებითი ტენდენციის სახით უნდა აღინიშნოს, რომ არც ერთი სასამართლო სხდომის დროს არ დაფიქსირებულა მოსამართლის მხრიდან ისეთი ქმედება, რაც პროცესის მონაწილე მხარეებზე აშკარა ზენოლის ფაქტად შეიძლებოდა მიჩნეულიყო. გარდა ამისა, მოსამართლის მიერ მხარისათვის მიცემული ინსტრუქციები ძირითადად ტექნიკური შინაარსის იყო და არანაირი კავშირი არ ჰქონია მის მიუკერძოებლობასთან. მოსამართლის მიუკერძოებლობა მხოლოდ 2 კონკრეტულ შემთხვევაში დადგა ეჭვექვეშ:

მიუკერძოებლად საქმის განხილვის უფლების დარღვევის ყველაზე მძიმე შემთხვევა, რომელიც საის მიერ დაკვირვების შედეგად გამოვლინდა აღნერილია ქვემოთ, სპეციალურ ჩარჩოში.

მიუკერძოებლად საქმის განხილვის უფლების დარღვევა

ბრალდებულის პირველი წარდგენის ერთ-ერთ სხდომაზე მოსამართლემ პირდაპირ დაარღვია უდანაშაულობის პრეზუმუცია და ბრალდებულს ჰკითხა: „რატომ ჩაიდინეთ დანაშაული?”

მიუხედავად იმისა, რომ სასამართლოში ჯერ წარმოდგენილი არ იყო მტკიცებულებები, მოსამართლემ აშკარად დაფიქსირა საკუთარი რწმენა, რომ ბრალდებული დამნაშავე იყო. შესაბამისად, მან დაარღვია ბრალდებულის უფლება საქმის მიუკერძოებლად განხილვის შესახებ.

მეორე შემთხვევაში, არსებითი განხილვის ეტაპზე, პროკურორმა დასვა მიმანიშნებელი შეკითხვა. ადვოკატმა პროტესტი გამოთქვა, რაც მოსამართლემ დააკმაყოფილა და მიუთითა პროკურორს, რომ კითხვა სხვაგვრად დაესვა. მიუხედავად ამისა, პროკურორმა იგივენაირად დასვა შეკითხვა, მხოლოდ სიტყვები გადაანაცვლა. ამ ფაქტის გამო ადვოკატის შემდგომი პროტესტი მოსამართლემ აღარ დააკმაყოფილა.

საქმის მიუკერძოებლად განხილვის უფლებიდან გამომდინარე, მოსამართლე ვალდებულია, ბრალდებულს გააცნოს მისი უფლე-

ბა მოსამართლის აცილების მოთხოვნის შესახებ.²⁸ მიუხედავად ამისა, 209 საქმიდან, სადაც სასამართლოს ევალებოდა ბრალ-დებულისათვის აღნიშნული უფლების შეტყობინება, სასამართლომ 11 შემთხვევაში (5%) არ შეასრულა თავისი ვალდებულება.

ამასთან, როგორც ანგარიშის პირველი თავში აღვნიშნეთ, სასამართლოს მიკერძოება პროკურატურის მიმართ გამოვლინდა აღკვეთის ღონისძიების შეფარდებისას მიღებული გადაწყვეტილებების სტატისტიკური ანალიზის შედეგად.

ასევე, მნიშვნელოვანია აღვნიშნოთ, რომ უკანასკნელი მონიტორინგის მანძილზე საიამ დააფიქსირა ერთი გამამართლებელი განაჩენის გამოტანა [იხილეთ ქვემოთ ჩარჩოში განთავსებული მაგალითი]. საიას მთელი მონიტორინგის მანძილზე დაფიქსირებული 11 განაჩენიდან, ეს პირველი შემთხვევაა, როდესაც საქმეზე გამამართლებელი განაჩენი გამოცხადდა.

პირველად დაფიქსირებული გამამართლებელი განაჩენი

ბრალდებულს ბრალი ედებოდა სისხლის სამართლის კოდექსის 276-ე მუხლის მე-5 ნაწილით გათვალისწინებული დანაშაულის ჩადენაში, კერძოდ, იგი თავისი ავტომანქანით დაეჯახა ფეხით მოსიარულე მოქალაქეს, რის შედეგადაც მოქალაქე გარდაიცვალა. თბილისის საქალაქო სასამართლოს მოსამართლე განაჩენის გამოტანისას დაეყრდნო იმ გარემოებას, რომ ბრალდების მხარემ პროცესზე ვერ წარმოადგინა ბრალდების დამადასტურებელი ვერც ერთი პირდაპირი მტკიცებულება და მოწმის პირდაპირი ჩვენება. ბრალდებამ წარმოადგინა მოწმის მხოლოდ ირიბი ჩვენება, რომელიც აცხადებდა, რომ დაინახა მიწაზე დაგდებული მოქალაქე, თუმცა შეჯახების ფაქტს იგი ვერ ადასტურებდა. პროკურორმა ასევე წარმოადგინა ექსპერტიზის დასკვნა, რომელიც ასევე ვერ ადასტურებდა ბრალდებულის ავტომანქანაზე შეჯახების რაიმე კვალს. საბოლოოდ, სასამართლომ გამამართლებელი განაჩენი გამოიტანა.

²⁸ სსსკ. მუხლი 197.1 და მუხლი 38.14.

5. დასაბუთებული გადაწყვეტილების უფლება

როგორც ზემოთ აღვნიშნეთ, სამართლიანი განხილვის უფლება არის ბრალდებულის საერთაშორისო დონეზე აღიარებული უფლება. აქედანვე გამომდინარეობს ბრალდებულის უფლება სასამართლოს მიერ დასაბუთებული გადაწყვეტილების გამოტანაზე.²⁹

გადაწყვეტილების დასაბუთებულობის შეფასების მიზნით, გარკვეული ტენდენციის გამოსაკვეთად, საიამ ასევე განახორციელა მონიტორინგი გადაუდებელი აუცილებლობით ჩატარებული ჩხრეკისა და ამოლების ფაქტებზე. საია მიიჩნევს, რომ სისხლის სამართლის პროცესის ეს ასპექტი ცალკე კვლევის საგანია და სცდება აღნიშნული მონიტორინგის ფარგლებს. მართალია, ამ ეტაპზე საია საკითხის მხოლოდ მოკლე მიმოხილვას წარმოადგენს, თუმცა, ვფიქრობთ, ეს ინფორმაცია მაინც მნიშვნელოვანია საქართველოს სასამართლოების არსებული ვითარების საილუსტრაციოდ.

ჩხრეკა და ამოლება პირის პირადი ცხოვრების ხელშეუხებლობის შემზღვეველი საგამოძიებო მოქმედებაა. სწორედ ამიტომ ამ ღონისძიების ჩატარებაზე კანონი სასამართლო ზედამხედველობას ადგენს. ჩხრეკისა და ამოლების ყველა შუამდგომლობა უნდა განიხილოს სასამართლომ და მიიღოს დასაბუთებული გადაწყვეტილება.

სისხლის სამართლის საპროცესო კოდექსის 119-ე-120-ე მუხლებით მკაცრად არის განერილი ჩხრეკისა და ამოლების ჩატარების წინაპირობები. კერძოდ, უნდა არსებობდეს დასაბუთებული ვარაუდი, რომ ჩხრეკის შედეგად დანაშაულის მტკიცებულება იქნება მოპოვებული და, ასევე – მოსამართლის ნებართვა. მხოლოდ განსაკუთრებულ შემთხვევაშია ნებადართული ჩხრეკისა და ამოლების ჩატარება მოსამართლის ნებართვის გარეშე – როდესაც სახეზეა მისი ჩატარების მყისიერი აუცილებლობა. ამ შემთხვევაშიც კი, იგი მოგვიანებით მოსამართლის მიერ მოწმდება, რომელიც ან აკანონებს ჩატარებულ ღონისძიებას ან აუქმებს მას.

²⁹ სსხკ მუხლი 194.2 ადგენს, რომ „სასამართლო გადაწყვეტილება დასაბუთებული უნდა იყოს“.

გამოვლენილი შედეგები

როგორც აღკვეთის ღონისძიებების თავში აღვნიშნეთ, აღკვეთის ღონისძიების შეფარდებისას სასამართლო ხშირად არღვევდა დასაბუთებული გადაწყვეტილების უფლებას. აღნიშნული უფლების ამკარა დარღვევები საიამ ჩხრეკისა და ამოღების ჩატარებასთან კავშირშიც დააფიქსირა.

დადგინდა, რომ თითქმის ყველა საქმეში, რომელსაც საია აკვირდებოდა, ჩხრეკა და ამოღება ჩატარებული იყო გადაუდებელი აუცილებლობის რეჟიმში, მოსამართლის შემდგომი დაკანონებით. კერძოდ, ჩატარებული ჩხრეკისა და ამოღების 42 შემთხვევიდან მხოლოდ 3 ღონისძიება ჩატარდა სასამართლოს ნებართვით, დანარჩენი 39 (93%) ღონისძიების დაკანონება კი, სასამართლოს მიერ მოგვიანებით განხორციელდა.

საია, მონიტორინგის ფარგლებში, მოკლებული იყო შესაძლებლობას, შეესწავლა აღნიშნული გადაწყვეტილებების დასაბუთებულობა, ვინაიდან ამ საკითხის განხილვა არ ხდება ღია სასამართლო სხდომებზე. მიუხედავად ამისა, აღნიშნული სტატისტიკური მონაცემები გონივრულ ეჭვებს აჩენს სასამართლოს და სამართლდამცავი ორგანოების მიერ თავიანთი უფლებამოსილებების **Bona Fide** შესრულების მიმართ, რომ ჩხრეკა და ამოღება არ ჩატარდეს ან არ დაკანონდეს იმ შემთხვევაში, თუკი მისი ჩატარების გადაუდებელი აუცილებლობა არ არის სათანა-დოდ დასაბუთებული:

- ვინაიდან ჩხრეკა და ამოღება ინდივიდის პირად ცხოვრებაში ჩამორევი ღონისძიებაა, სამართალდამცავმა ორგანოებმა შესაბამისი წინდახედულების ზომები უნდა გამოავლინონ ამ ღონისძიებათა ჩატარებამდე. ის ფაქტი, რომ, სტატისტიკურად, მათ შემთხვევათა მხოლოდ 7%-ში მიმართეს სასამართლოს წინასწარ ნებართვის მისაღებად, ავლენს მათ არაწინდახედულ დამოკიდებულებას ინდივიდის პირადი ცხოვრების მიმართ და საპროცესო უფლებამოსილების ბოროტად გამოყენებას.
- მოსამართლემ შემთხვევათა 100%-ში დააკმაყოფილა შუამდგომლობა უკვე ჩატარებული ღონისძიების დაკანონების ან წინასწარი ნებართვის გაცემის შესახებ. ეს ავლენს სასამართლოს გულგრილ და რუტინულ დამოკიდებულებას ჩხრეკისა და ამოღების ღონისძიების მიმართ, რაც, თავის მხრივ, საბოლოოდ, ინდივიდის უფლებების დარღვევაში ვლინდება.

6. საჯარო განხილვის უფლება

როგორც ზემოთ აღვნიშნეთ, საქმის საჯარო განხილვის უფლება ბრალდებულისა და თავად საზოგადოების მნიშვნელოვანი უფლებაა, რომელიც დაცულია როგორც ეროვნულ, ისე საერთაშორისო დონეზე.

აღნიშნული უფლებით სრულყოფილად სარგებლობისათვის სასამართლომ უნდა უზრუნველყოს საქმის განხილვის იმგვარი წარმართვა, რომ საზოგადოების წარმომადგენლის დასწრების შემთხვევაში, მისთვის გასაგები და აღქმადი იყოს პროცესის მიმდინარეობა. სასამართლომ, აგრეთვე, საჯაროდ უნდა გამოაქვეყნოს გადაწყვეტილების სარეზოლუციო ნაწილი, რომელიც მოიცავს სასჯელს, შესაბამის კანონმდებლობას, რომელსაც გადაწყვეტილება ეფუძნება და ბრალდებულის უფლებას გადაწყვეტილების გასაჩივრებაზე.³⁰

გამოვლენილი შედეგები

მონიტორინგის შედეგად დადგინდა, რომ სასამართლო სხდომები, ზოგადად, იყო საჯარო და ნებისმიერ მსურველს შეეძლო სასამართლო სხდომაზე დასწრება. გამონაკლის შემთხვევებში, სხდომათა დარბაზის სიმცირის გამო, საზოგადოების გარკვეული ნაწილი ვერ ახერხებდა სხდომათა დარბაზში შესვლას. ამასთან, უნდა აღინიშნოს, რომ, დამსწრეთა მაღალი დაინტერესების გამო, ერთი არსებითი განხილვის სხდომის გადატანა მოხდა უფრო დიდ დარბაზში, რათა ყველა დაინტერესებულ პირის ჰქონდა სხდომაზე დასწრების საშუალება. ასანიშნავია ისიც, რომ თითქმის ყველა იმ სხდომაზე, სადაც შემაჯამებელი გადაწყვეტილება იქნა გამოტანილი, მოსამართლემ იგი საჯაროდ გამოაქვეყნა.

ამის საპირისპიროდ, საიამ აგრეთვე დააფიქსირა:


- სასამართლომ სხდომათა საკმაოდ დიდ რაოდენობაზე ვერ უზრუნველყო სასამართლო სხდომის თარიღისა და დროის გამოქვეყნება. როგორც ზემოთ აღვნიშნეთ, ეს შეეხებოდა პირველი წარდგენის ყველა სხდომას.

³⁰ სსქ-ს მუხლი 277.1 აღგნს, რომ „განაჩენი დგინდება სხდომის დარბაზში ან სათათბირო ოთახში, რის შემდეგაც სხდომის თავმჯდომარე სხდომის დარბაზში საჯაროდ აცხადებს განაჩენის სარეზოლუციო ნაწილს“. მუხლი 277.3 აღგნს, რომ „სხდომის თავმჯდომარე მხარეებს განუმარტავს განაჩენის გასაჩივრების წესსა და ვადები...“.

- დაფიქსირდა შემთხვევები, როდესაც გამოქვეყნებული ინფორმაცია სხდომის ჩატარების შესახებ არასრული ან მცდარი იყო. მაგალითად, განცხადება არ შეიცავდა ცნობებს სსკ-ის ყველა იმ მუხლის შესახებ, რომლებიც ბრალდებულს ჰქონდა წაყენებული, ან არასწორად იყო მითითებული სხდომის ჩასატარებელი დრო ან/და დარბაზი.
- მონიტორინგის წინა პერიოდების მსგავსად, მოსამართლეებისა და პროცესის სხვა მონაწილეების მხრიდან ხმადაბალი და დამსწრეთათვის გაუგებარი საუბრის შემთხვევები დააფიქსირა. ერთ-ერთ საქმეზე საიას მონიტორმა ვერც ერთი სიტყვის დაფიქსირება ვერ შეძლო, რადგან სხდომა დიდ დარბაზში ტარდებოდა, მიკროფონები კი გამორთული იყო.

საიას მიერ განხორციელებული დაკვირვების შედეგები მოიცავს შემდეგ მონაცემებს:

- 424-დან (4 სხდომა დაიხურა) 14 შემთხვევაში (3%), დარბაზის სიმცირის გამო, ბრალდებულის ახლობლებმა და სხვა დაინტერესებულმა პირებმა ვერ შეძლეს სხდომაზე დასწრება.
- 354-დან 158 შემთხვევაში, სასამართლო სხდომის (45%) ჩატარების დროისა და თარიღის შესახებ ინფორმაცია წინასწარ არ გამოქვეყნებულა; აქედან 74 პირველი წარდგენის სხდომაა და 84 – სხვა დანარჩენი სხდომა.



- ერთ შემთხვევაში, რამდენიმე საათის მანძილზე სასამართლოში საერთოდ გათიშული იყო სხდომების გამოსაქვეყნებული მონიტორი. სხვა შემთხვევაში კი, არ მუშაობდა საქალაქო სასამართლოს საიტი, რაც შეუძლებელს ხდიდა არათუ ცალკეული, არამედ, საერთოდ, რომელიმე პროცესის შესახებ ინფორმაციის წინასწარ გამოქვეყნებას. საიტი მხოლოდ დღის მეორე ნახევარში ამუშავდა.
- წინასწარ გამოქვეყნებული 270 სასამართლო სხდომიდან (71 წინა სასამართლო სხდომა, 154 არსებითი სხდომა და 45 სხდომა, რომელზეც საპროცესო შეთანხმება დამტკიცდა) 18 საქმეზე (17%) არასრული ან მცდარი ინფორმაცია იყო წარმოდგენილი. ამ პრობლემების გამო, საიას მონიტორებმა ვერ შეძლეს 5 განსაკუთრებით საინტერესო სხდომაზე დასწრება.
- 427-იდან 15 სხდომაზე (3.5%) მოსამართლე ხმადაბლა და დამსწრეთათვის გაურკვევლად საუბრობდა.
- ერთ შემთხვევაში, პროკურორი საუბრობდა დამსწრეთათვის გაურკვევლად და ხმადაბლა, რის გამოც დარბაზში დამსწრე ერთ-ერთმა პირმა გამოიტქვა პრეტენზია. მოსამართლემ აღნიშნული პირი გააფრთხილა, რომ პროტესტის განმეორების შემთხვევაში დარბაზიდან გააძევებდა, ხოლო პროკურორს არ მიუთითა, რომ უფრო ხმამაღლა და გარკვევით ესაუბრა.
- 427 სხდომიდან 28 შემთხვევაში (6.5%) გამოვლინდა ტექნიკური ხარვეზებით გამოწვეული სმენადობის პრობლემა. კერძოდ, დარბაზებში გამორთული იყო მიკროფონები (21 სხდომაზე), ამასთან, სხდომის დარბაზის კარი ლია იყო და გარედან ხმაური შემოდიოდა (7 სხდომაზე).
- 73 სხდომაზე, სადაც შემაჯამებელი გადაწყვეტილება იქნა მიღებული (69 შემთხვევაში საპროცესო შეთანხმება დაიდო, ხოლო 4 საქმე არსებითი განხილვის შედეგად დასრულდა განაჩენით), მხოლოდ 2 შემთხვევაში არ გამოცხადებულა საბოლოო გადაწყვეტილება საჯაროდ. ორივე შემთხვევაში დამტკიცდა საპროცესო შეთანხმება. მოსამართლემ მხოლოდ საპროცესო შეთანხმების დამტკიცება გამოაცხადა და ისე დატოვა დარბაზი, რომ განაჩენი სრულად არ გამოუცხადებია.
- საქმეთა 48%-ში (35 საქმე 73-დან³¹), სადაც სასამართლომ

³¹ ეს მონაცემი მოიცავს ოთხივე სხდომას, სადაც განაჩენი გამოვიდა და 69 სხდომას, სადაც საპროცესო შეთანხმება დამტკიცდა.

საჯაროდ გამოაცხადა განაჩენი, მან არ მიუთითა კანონის შესაბამისი მუხლები.

7. თარჯიმნის ყოლის უფლება

საქართველოს კონსტიტუცია,³² სისხლის სამართლის საპროცესო კოდექსი³³ და საერთაშორისო კონვენციები, რომლის მონაწილე მხარეც საქართველოა,³⁴ ითვალისწინებენ, რომ თუ პიროვნებამ არ იცის სამართალწარმოების ენა, მან უნდა ისარგებლოს თარჯიმნის მომსახურებით სახელმწიფოს ხარჯზე.

გამოვლენილი შედეგები

მონიტორინგის განმავლობაში საია დააკვირდა 13 მოსმენას, სადაც სავალდებულო იყო თარჯიმნის მონაწილეობა. პირველი წარდგენის 3 სხდომაზე დაიღვა ბრალდებულის უფლება თარჯიმნის მომსახურებაზე. კერძოდ, მოწვეული თარჯიმნები არაკეთისა არა ასრულებდნენ მათზე დაკისრებულ მოვალეობას:

- პირველ შემთხვევაში, მოწვეული იყო რუსული ენის თარჯიმანი, რომელიც მხოლოდ მოსამართლის მითითებით უთარგმნიდა ბრალდებულს. ამასთან, მას უჭირდა საჭირო სიტყვების მოძებნა, მაგალითად, ვერ თარგმნიდა ტერმინს – „ა“ ქვეპუნქტი.
- მეორე შემთხვევაშიც, რუსული ენის თარჯიმანი ძალიან ჩუმად და მოკლედ უთარგმნიდა ბრალდებულს. რამდენიმე შემთხვევაში, მას მოსამართლის შეხსენებაც კი დასჭირდა, რომ ეთარგმნა ბრალდებულისთვის, მანამდე კი, საერთოდ დუმდა.

³² საქართველოს კონსტიტუცია, მუხლი 85:2: „სამართალწარმოება უნდა მიმდინარეობდეს სახელმწიფო ენაზე. პირს, რომელმაც სახელმწიფო ენა არ იცის, მიეთინება თარჯიმანი“.

³³ სსსკ-ს მუხლი 38:8: ბრალდებულს უფლება აქვს, დაკითხვის და სხვა საგამოძიებო მოქმედებების ჩატარების დროს ისარგებლოს თარჯიმნის მომსახურებით სახელმწიფოს ხარჯზე, თუ არ იცის ან სათანადო არ იცის სისხლის სამართლის არცესის ენა. [...]”.

³⁴ ადამიანის უფლებათა ევროპული კონვენციის მუხლი 6:3: „ყველას, ვისაც ბრალდად ყდება სისხლის სამართლის დანაშაულის ჩადენა, აქვს უფლებათა შემდეგი მინიმუმი: [...] e) მიიღოს თარჯიმნის უფასო დახმარება, თუ მას არ შეუძლია გაიგოს ან ილაპარაკოს ენაზე, რომელსაც იყენებს სასამართლო.“

- მესამე შემთხვევაშიც, თარჯიმანი მხოლოდ ნაწილობრივ უთარგმნიდა ბრალდებულს იმას, რაც სრულად უნდა გადაეთარგმნა.

8. თავისუფლების ხელშეუხებლობის უფლება

როგორც ზემოთ აღვნიშნეთ, თავისუფლების ხელშეუხებლობის უფლება ადამიანის იცავს თვითნებური და უსამართლო თავისუფლების აღკვეთისაგან. ეს უფლება გარანტირებულია როგორც საერთაშორისო, ისე ეროვნულ დონეზე.

გამოვლენილი შედეგები

ზემოთ მოხსენიებული აღკვეთის ღონისძიების სხდომების გარდა, ამ უფლების სავარაუდო დარღვევა კიდევ ერთ საქმეში დაფიქსირდა. არსებითი განხილვის სხდომაზე მოსამართლემ არ განიხილა დაცვის მხარის მიერ წარმოდგენილი შუამდგომლობა შეფარდებული აღკვეთის ღონისძიების შეცვლის შესახებ (პატიმრობის გირაოთი შეცვლის შესახებ) იმ მოტივით, რომ კანონი მას ამის საშუალებას არ აძლევდა. თუმცა, აღსანიშნავია, რომ კანონმდებლობით დადგენილია აღკვეთის ღონისძიების შეცვლის შესაძლებლობა და ამ საკითხის განხილვა დასაშვებია როგორც წინასასამართლო სხდომაზე, ასევე საქმის არსებითი განხილვისას.³⁵

9. საქმის გონივრულ ვადაში განხილვის უფლება

მონიტორინგის პერიოდში, 354-დან 228 შემთხვევაში (64%), სხდომის დაწყება 5 წუთზე მეტი ხნით დაგვიანდა:³⁶

- 228-დან 63 შემთხვევაში (28%) მოსამართლემ დაიგვიანა;
- 228-დან 49 შემთხვევაში (21%) ბრალდებულმა დაიგვიანა;
- 228-დან 23 შემთხვევაში (10%) იმავე სხდომის დარპაზში სხვა სხდომა გაგრძელდა;
- 228-დან 19 შემთხვევაში (8%) ადვოკატმა დაიგვიანა;

³⁵ სსკ-ის მუხლი 206.

³⁶ სამ შემთხვევაში პროცესის დაგვიანების არა ერთი, არამედ ორი მიზეზი გამოვლინდა, ამიტომ დაგვიანებების მიზეზთა ჯამი, დაგვიანებულ სხდომათა რაოდენობაზე 3-ით მეტია.

- 228-დან 16 შემთხვევაში (7%) პროკურორმა დაიგვიანა;
- დანარჩენ 24 (11%) შემთხვევაში დაგვიანების მიზეზი სხვადასხვა იყო.

მაქსიმალური დაგვიანება ერთ-ერთი არსებითი განხილვის სხვადასტერ დაფიქსირდა, რომელიც დადგენილი დროიდან 120 წუთით გვიან დაიწყო.

დასკვნა

აღნიშნული ანგარიში საშუალებას გვაძლევს, ვიმსჯელოთ გარკვეულ დადებით თუ უარყოფით ტენდენციებზე თბილისის საქალაქო სასამართლოს მიმართ მართლმსაჯულების განხორციელების პროცესში. ამასთან, ახალ საანგარიშო პერიოდს დეკემბრის თვეში დაემატა ქუთაისის საქალაქო სასამართლოს მონიტორინგის შედეგებიც. თუმცა, საგულისხმოა, რომ დროის მოკლე მონაკვეთის გამო, აღნიშნული ანგარიში ძალიან მცირე დოზით მოიცავს ქუთაისის საქალაქო სასამართლოს მონიტორინგის მონაცემებსა და მასში მოცემული დასკვნები მეტწილად თბილისის საქალაქო სასამართლოს შედეგებზეა დაფუძნებული.

ბოლო ექვსთვიანი მონიტორინგის განმავლობაში საიას აღმოჩენები არსებითად არ განხსნავდებოდა მონიტორინგის დასაწყისიდან შეგროვებული ინფორმაციისგან. თუმცა, ბოლო მონიტორინგის მანძილზე მნიშვნელოვანი ცვლილებები მაინც შეინიშნებოდა. ამ ცვლილებათა უმეტესობა ყოფილი მაღალი თანამდებობის პირების საქმეებში დაფიქსირდა. ჯერ კიდევ შესაფასებელია, აღნიშნული ცვლილებები წარმოადგენს სასამართლოს დამოკიდებულების ზოგად ცვლილებას 2012 წლის ოქტომბრის არჩევნების შემდეგ, თუ ეს მხოლოდ ყოფილი მაღალი თანამდებობის პირების საქმეებს შეეხება.

საიას პირველხარისხოვანი დაკვირვების შედეგები ასეთია:

- წინა პერიოდების მსგავსად, სასამართლო კვლავ მხოლოდ 2 სახის აღკვეთის ლონისძიებას იყენებდა: გირაოს და პატიმრობას. აღკვეთის ლონისძიება ხშირად საქმის გარემოებებთან მიმართებით არაპროპრიული და დაუსაბუთებელი იყო, ან მისი შეფარდება ბრალდებულის მდგომარეობის გამორკვევის გარეშე ხდებოდა.
- უმრავლეს შემთხვევაში, სასამართლო აკმაყოფილებდა აღკვეთის ლონისძიების შეფარდების შესახებ პროკურორ-

ის შუამდგომლობას. თუმცა, წინა პერიოდისგან განსხვავებით, გამოვლინდა რამდენიმე შემთხვევა, სადაც პროკურორის შუამდგომლობა არ დატიყოფილდა. ამასთან, წინა პერიოდების მსგავსად, პროკურორი მხოლოდ იშვიათ შემთხვევაში ასაბუთებდა სხვა, ნაკლებად მძიმე აღკვეთის ღონისძიების გამოყენების მიზანშეუწონლობას.

- მონიტორინგის წინა პერიოდების მსგავსად, სასამართლოს არც ერთი პირველი წარდგენის სხდომის შესახებ ინფორმაცია წინასწარ არ გამოუქვეყნებია.
- საანგარიშო პერიოდის მანძილზე, სასამართლომ დააკმაყოფილა პროკურორის 74-ვე შუამდგომლობა მტკიცებულებათა წარდგენის შესახებ, მიუხედავად იმისა, რომ 9 მათგანს დაცვის მხარე ენინაალმდევებოდა. მონიტორინგის წინა პერიოდებისაგან განსხვავებით, სასამართლომ აგრეთვე დააკმაყოფილა დაცვის 22-ვე შუამდგომლობა, მიუხედავად იმისა, რომ ერთ მათგანს პროკურორი არ ეთანხმებოდა.
- საიამ დააფიქსირა უცვლელი ტენდენცია უკლებლივ ყველა საპროცესო შეთანხმების დამტკიცებისას. მოსამართლეებს კვლავ ძირითადად ფორმალური როლი ჰქონდათ შეთანხმების დამტკიცებაში.
- წინა საანგარიშო პერიოდების მსგავსად, არსებითი განხილვის უმეტესობაში დაცული იყო შეჯიბრებითობის პრინციპი და მოწმების დაკითხვა ძირითადად მოსამართლის ჩარევის გარეშე ხდებოდა. ამასთან, მონიტორინგის წინა პერიოდების მსგავსად, მხარეთა აქტიურობის თვალსაზრისით, ბრალდების მხარე კვლავ უფრო მეტად აქტიურობდა.
- სხდომათა უმრავლესობაში უზრუნველყოფილი იყო დაცვის უფლება. თუმცა, მონიტორინგის შედეგად დადგინდა, რომ მოსამართლეები კვლავ არასრულად განმარტავდნენ ბრალდებულის უფლებებს.
- დადებითი კუთხით უნდა ალინიშნოს, რომ არც ერთ სხდომაზე მოსამართლის ქცევა არ ყოფილა რომელიმე მხარისათვის დამაშინებელი ან ზეწოლის გამომხატველი.
- სასამართლომ დაკანონის ჩხრეკისა და ამოღების ყველა შუამდგომლობა, მიუხედავად იმისა, რომ თითქმის ყველა მათგანი ჩატარებული იყო გადაუდებელი აუცილებლობის პირობებში.
- იმ საქმეთა უმრავლესობაში, სადაც შემაჯამებელი გადაწყვეტილება იქნა გამოტანილი, საქმის არსებითი განხ-

ილვისა თუ საპროცესო შეთანხმების დამტკიცების შემდეგ, სასამართლომ საჯაროდ გამოაცხადა თავისი გადაწყვეტილება. თუმცა, საქმეთა თითქმის ნახევარში სასამართლომ არ მიუთითა შესაბამისი კანონმდებლობა გადაწყვეტილების გამოცხადებისას. აქვე აღსანიშნავია, რომ მონიტორინგის დასაწყისიდან საიას მიერ პირველად დაფიქსირდა სასამართლოს მიერ ერთი გამამართლებელი განაჩენის გამოტანის ფაქტი.

- მონიტორინგის შედეგად გამოვლინდა აგრეთვე სასამართლოს შეფერხებით მუშაობის არაერთი შემთხვევა, რაც, შესაძლოა, სასამართლოს ადმინისტრაციის მუშაობის ნაკლოვანებებზე მიუთითებდეს. კერძოდ, იმ პროცესების 64%, რომლებსაც საია აკვირდებოდა, დაგვიანებით დაიწყო.

რეკომენდაციები

სასამართლო მონიტორინგის დასაწყისიდან 1 წლის მანძილზე მოპოვებული, ობიექტურ ფაქტებზე დაფუძნებული ინფორმაციისა და გამოკვეთილი ტენდენციების საფუძველზე, საიამ მოამზადა რამდენიმე რეკომენდაცია, რომლებიც, ვფიქრობთ, გაზრდის სასამართლოს გამჭვირვალობას, საზოგადოების ნდობას მის მიმართ და დადებითად აისახება სისხლის სამართლის მართლმსაჯულების რეპუტაციაზე:

1. უკეთესი იქნება, თუკი სასამართლო ფართოდ ისარგებლებს კანონმდებლობით მისთვის მინიჭებული დისკრეციით აღკვეთის ღონისძიების შერჩევის ეტაპზე და, პატიმრობისა და გირაოს გარდა, სხვა, ნაკლებად მძიმე და არანაკლებ ეფექტურ ღონისძიებებს გამოიყენება. ეს განსაკუთრებით მნიშვნელოვანია ნაკლებად მძიმე დანაშაულების შემთხვევაში.
2. ყოველი აღკვეთის ღონისძიების შერჩევისას, სასამართლომ მხედველობაში უნდა მიიღოს დანაშაულის სიმძიმე, სავარაუდო სასჯელი, ბრალდებულის ქონებრივი მდგრამარეობა და კანონით გათვალისწინებული ყველა სხვა გარემოება, რათა მაქსიმალურად იქნეს თავიდან აცილებული არაპროპორციული ღონისძიებების გამოყენება.
3. სასამართლომ პროკურორის უნდა დააკისროს მოთხოვნილი აღკვეთის ღონისძიების შესაბამისობის მტკიცების ტვირთი, რათა არ მოხდეს ადამიანის თავისუფლების თვითნებური და უკანონო შეზღუდვა.

4. საჯარო განხილვის უფლების უკეთ უზრუნველსაყოფად სასამართლომ საქმის განხილვის ყველა ეტაპზე, მათ შორის პირველი წარდგენის სხდომებზე, წინასწარ უნდა გამოაქვეყნოს ზუსტი და სრულყოფილი მონაცემები.
5. საპროცესო შეთანხმებების დამტკიცებისას, უმნიშვნელოვანესია, რომ მოსამართლემ ითამაშოს სათანადო როლი პიროვნების უფლებებისა და კანონიერი ინტერესების დასაცავად, დასვას კითხვები საპროცესო შეთანხმებასთან დაკავშირებით, დარწმუნდეს სასჯელის პროპორციულობასა და კანონიერებაში. მოსამართლემ ასევე უნდა დაადგინოს, ხომ არ არის საპროცესო შეთანხმება დადებული იძულების ან დაშინების შედეგად. ამასთან საკანონმდებლო დონეზე, აუცილებელია გაიზარდოს მოსამართლის როლი საქმის არსებითი განხილვის გარეშე განაჩენის გამოტანისას, კერძოდ მოსამართლეს მიენიჭოს უფლება, მხარეებს შესთავაზოს შეცვლილი პირობებით საპროცესო შეთანხმების დადება არა მხოლოდ წინასასამართლო სხდომამდე, არამედ საქმის განხილვის ყველა იმ სტადიაზე, სადაც სამართლებრივად შესაძლებელია საპროცესო შეთანხმების დამტკიცება.
6. მოწმეთა დაკითხვისას, მოსამართლემ, კანონმდებლობით გათვალისწინებული წესისამებრ, მხარეებისგან წინასწარ უნდა აიღოს კითხვის დასმის ნებართვა. ამასთან, მან მკაცრად უნდა დაცვას ნეიტრალური როლი და არ შეიქრას არც ერთი მხარის კომპეტენციაში.
7. მოსამართლემ ყველა შესაბამის ეტაპზე სრულყოფილად და გასაგებად უნდა განმარტოს ბრალდებულის ყველა უფლება.
8. შემაჯამებელი გადაწყვეტილების გამოტანისა და საჯაროდ გამოცხადებისას, მოსამართლემ ყოველთვის უნდა მიუთიოთ შესაბამისი კანონმდებლობა.
9. სასამართლომ ყველა შესაბამის შემთხვევაში უნდა უზრუნველყოს თარჯიმნის ყოლის უფლებით სარგებლობა. თარჯიმნის სხდომაზე დასწრება აპრიორი არ უნდა წიშნავდეს უფლებით სრულყოფილად სარგებლობას. მნიშვნელოვანია, რომ სასამართლომ უზრუნველყოს თარჯიმნის კვალიფიციური მუშაობა.

10. საქმის გონივრულ ვადაში და შეუფერხებლად განხილვის უზრუნველსაყოფად, სასამართლომ მაქსიმალურად უნდა შეამციროს პროცესების დაგვიანებით დაწყება.
11. მხარეთა შეჯიბრებითობის პრინციპის დასაცავად, მნიშვნელოვანია თავად მხარეთა ჩართულობა. სწორედ ამიტომ, უკეთესი იქნება, თუკი დაცვის მხარე იქნება მეტად აქტიური და ჩართული საქმის განხილვის ყველა სტადიაზე და მაქსიმალურად ეცდება მის ხელთ არსებული ყველა რესურსით თავისი დაცვის ქვეშ მყოფის ინტერესების დაცვას. ეს განსაკუთრებით გამოიხატება მტკიცებულებების მოგროვებასა და ბრალდების მხარის მიერ წარმოდგენილ მტკიცებულებების სადაცოდ გახდაში.
12. მნიშვნელოვანია, რომ მოსამართლემ გადაწყვეტილების მიღებისას შესაბამის შემთხვევებში გამოიყენოს სამოსამართლეო სამართლის მიდგომა და არ შეიზღუდოს კანონის ფორმალური ჩარჩოებით, თუ ეს პირის ინტერესებს არ ეწინააღმდეგება. სხვა სიტყვებით რომ ვთქვათ, მოსამართლემ იმგვარად უნდა განმარტოს კანონი, რომ ის სამართლიანად და მართებულად იქნეს გამოყენებული ბრალდებულის მიმართ.
13. აუცილებელია, კანონში შევიდეს შესაბამისი ცვლილება, არასათანადო მოპყრობასთან ეფექტური ბრძოლის მიზნით, მოსამართლის უფლებამოსილების გაზრდის შესახებ. კერძოდ, მოსამართლეს უნდა მიეცეს უფლება, მოსთხოვოს გამოძიების ორგანოს ყოველი არასათანადო მოპყრობის ფაქტის გამოძიება, რომელიც შესასრულებლად სავალდებულო იქნება. არასათანადო მოპყრობის შესახებ საჩივრის წარდგენის მნიშვნელოვანი პროცედურის არარსებობა სერიოზულ ზიანს აყენებს თავად არასათანადო მოპყრობის აკრძალვის უფლებას და აზალისებს ბრალდებულთა უფლებების პოტენციურ დარღვევებს.

დანართები

სასამართლოში პირველი წარდგენა — დასწრებული სხდომების რაოდენობა: 74

საჯაროდ გამოცხადდა თუ არა სხდომის ჩატარების შესახებ?	74	100%
კი	0	0%
არა	74	100%
მოსამართლემ გამოაცხადა საქმის განხილვის შესახებ?	74	100%
კი	74	100%
არა	0	0%
მოსამართლე დარბაზისთვის ნათლად და გასაგებად საუბრობდა?	74	100%
კი	66	89.0%
არა	8	11%
ვინმერეთ განაცხადა, რომ ნათელი ან ვასაგები არ იყო მოსამართლის საუბარი (მხოლოდ 8 შემთხვევაში იყო მოსამართლის საუბარი გაუგებარი)?	8	100%
კი	1	12.5%
არა	7	87.5%
ყველასათვის იყო შესაძლებელი სხდომაზე დასწრება?	74	100%
კი	69	93%
არა (აქედან 1 სხდომა დაიხურა)	5	7%
მოსამართლემ/სხდომის მდივანმა გამოაცხადა მხარეთა ვინაობა?	74	100%
კი	73	97%
არა	0	0%
მონიტორმა ვერ შეძლო მონაცემის დაფიქსირება რადგან პროცესი დაიხურა	1	1%
მოსამართლემ აუხსნა პრალდებულს მოსამართლის/სხდომის მდივნის აცილების უფლება?	74	100%
კი	67	90%
არა	5	7%

მონიტორმა ვერ შეძლო მონაცემის დაფიქსირება (აქედან 1 პროცესი დაიხურა)	2	3%
მოსამართლემ ბრალდებულს ყველა უფლება განუმარტა?	74	100%
კი	12	16%
არა	61	82%
მონიტორმა ვერ შეძლო მონაცემის დაფიქსირება რადგან პროცესი დაიხურა	1	1%
ბრალდებულისათვის განმარტებული უფლებები მისთვის ნათელი და გასაგები იყო?	74	100%
კი	65	88%
არა	7	9%
მონიტორმა ვერ შეძლო მონაცემის დაფიქსირება (აქედან 1 პროცესი დაიხურა)	2	3%
მოსამართლის ქცევა რომელიმე მხარის მიმართ იყო დამაშინებელი ან არაფორმალური?	74	100%
კი	0	0%
არა	73	99%
მონიტორმა ვერ შეძლო მონაცემის დაფიქსირება რადგან პროცესი დაიხურა	1	1%
რაიმე ინსტრუქცია მისცა მოსამართლემ რომელიმე მხარეს?	74	100%
კი	3	4%
არა	70	95%
მონიტორმა ვერ შეძლო მონაცემის დაფიქსირება რადგან პროცესი დაიხურა	1	1%
რომელ მხარეს (ერთმა მოსამართლემ ორივე მხარეს მისცა ინსტრუქცია)?	3	100%
დაცვას	3	100%
ბრალდებას	1	33%
ზემოაღნიშნულის გარდა, სხვა რაიმე ხომ არ მიუთითებდა მოსამართლის მიკერძოებაზე?	74	100%
კი	0	0%
არა	73	99%
მონიტორმა ვერ შეძლო მონაცემის დაფიქსირება, რადგან პროცესი დაიხურა	1	1%
ადვოკატი ესწრებოდა სხდომას?	74	100%

კი	49	66%
არა	25	34%
საჭიროების შემთხვევაში, მოწვეული იყო თარჯი-მანი? (თარჯიმნის პროცესზე დასწრება თავისთა-ვად არ ნიშნავს, რომ თარჯიმნის ყოლის უფლება რეალიზებულია, მაგალითად, თუკი თარჯიმანი აშკარად არ/ვერ ასრულებს თავის მოვალეობას)	74 100%	
კი	7	9%
არა	0	0%
თარჯიმნის მოწვევა არ იყო საჭირო	66	89%
მონიტორმა ვერ შეძლო მონაცემის დაფიქსირება რადგან პროცესი დაიხურა	1	1%
შერჩეული აღკვეთის ღონისძიება (დასწრებულ სხდომებზე სასამართლო მთლიანობაში 98 ბრალდებულს შეუფარდა აღკვეთის ღონისძიება)	98 100%	
გირაო	62	63%
პატიმრობა	36	37%
პირადი თავდებობა	0	0%
სათანადო ქცევის და გაუსვლელობის შესახებ შეთანხმება	0	0%
სამსედრო მოსამსახურის ქცევისადმი სარდლობის მეთვალყურეობა	0	0%
მოსამართლემ აცნობა ბრალდებულს არასათანადო მოპყრობის შესახებ საჩივრის წარდგენის უფლების თაობაზე?	74 100%	
კი	54	73%
არა	18	24%
მონიტორმა ვერ შეძლო მონაცემის დაფიქსირება (აქედან 1 სხდომა დაიხურა)	2 3%	
მოსამართლემ ჰქითხა ბრალდებულს, ჰქონდა თუ არა მას რაიმე საჩივარი უფლებათა დარღვევის შესახებ?	74 100%	
კი	62	84%
არა	10	13%
მონიტორმა ვერ შეძლო მონაცემის დაფიქსირება (აქედან 1 სხდომა დაიხურა)	2 3%	

წინა სასამართლო სხდომები — დასწრებული სხდომების რაოდენობა: 78

საჯაროდ გამოცხადდა თუ არა სხდომის ჩატარების შესახებ?	78	100%
კი	71	91%
არა	7	9%
მოსამართლე დარბაზისთვის ნათლად და გასაგებად საუბრობდა?	78	100%
კი	78	100%
არა	0	0%
ყველასათვის იყო შესაძლებელი სხდომაზე დასწრება?	78	100%
კი	76	97%
არა	2	3%
საჭიროების შემთხვევაში მოწვეული იყო თარჯიმანი? (თარჯიმის პროცესზე დასწრება თავისთვად არ ნიშნავს, რომ თარჯიმის ყოლის უფლება რეალიზებულია, მაგალითად, თუკი თარჯიმანი აშკარად არ/ვერ ასრულებს თავის მოვალეობას)	78	100%
კი	7	9%
არა	0	0%
თარჯიმის მოწვევა არ იყო საჭირო	71	91%
მოსამართლემ/სხდომის მდივანმა გამოაცხადა მხარეთა ვინაობა?	78	100%
კი	66	85%
არა	12	15%
მოსამართლემ აცნობა და განუმარტა ბრალდებულს მოსამართლის აცილების უფლება?	78	100%
კი	72	92%
არა	2	3%
მონიტორმა ვერ შეძლო მონაცემის დაფიქსირება (სხდომა გადაიდო; ბრალდებული არ ესწრებოდა)	4	5%
მოსამართლემ ბრალდებულს ყველა უფლება განუმარტა?	78	100%
კი	6	8%

არა	68	87%
მონიტორმა ვერ შეძლო მონაცემის დაფიქსირება (სხდომა გადაიღო; ბრალდებული არ ესწრებოდა)	4	5%
ბრალდებულისათვის განმარტებული უფლებები მისთვის ნათელი და გასაგები იყო?	78	100%
კი	72	92%
არა	2	3%
მონიტორმა ვერ შეძლო მონაცემის დაფიქსირება (სხდომა გადაიღო; ბრალდებული არ ესწრებოდა)	4	5%
პროკურორმა დააყენა შუამდგომლობა მტკიცებულებათა ნარდგენის შესახებ (4 სხდომა გადაიღო)?	74	100%
კი	74	100%
არა	0	0%
შუამდგომლობა დაკმაყოფილდა?		
კი	74	100%
არა	0	0%
დაცვამ დაუჭირა მხარი?		
კი	65	88%
არა	9	12%
ჩხრეკისა და ამოლების შემთხვევებში	42	100%
ღონისძიება ჩატარდა სასამართლოს ნებართვით	3	7%
ჩატარებულის დაკანონება მოგვიანებით მოხდა სასამართლოს მიერ	39	93%
დაცვამ ნარადგინა შუამდგომლობა მტკიცებულებათა ნარდგენის შესახებ (4 სხდომა გადაიღო)?	74	100%
კი	22	30%
არა	52	70%
შუამდგომლობა დაკმაყოფილდა?	22	100%
კი	22	100%
არა	0	0%
ბრალდებამ დაუჭირა მხარი?	22	100%
კი	21	95%
არა	1	5%

დაკმაყოფილდა პროცურორის მიერ წარდგენილ მტკიცებულებათა ნუსხა?	74	100%
სრულად	72	97%
ნაწილობრივ	2	3%
არ დაკმაყოფილდა	0	0%
დაკმაყოფილდა დაცვის მიერ წარდგენილ მტკიცებულებათა ნუსხა?	22	100%
სრულად	22	100%
ნაწილობრივ	0	0%
არ დაკმაყოფილდა	0	0%
მოსამართლის ქცევა რომელიმე მხარის მიმართ იყო დამაშინებელი ან არაფორმალური?	78	100%
კი	1	1%
არა	77	99%
რაიმე ინსტრუქცია მისცა მოსამართლემ რომელიმე მხარეს?	78	100%
კი	5	6%
არა	73	94%
რომელ მხარეს? (ერთმა მოსამართლემ ორივე მხარეს მისცა ინსტრუქცია)	5	100%
დაცვას	4	80%
ბრალდებას	2	40%

არსებითი განხილვის სხდომები — დასწრებული სხდომების რაოდენობა: 207

საჯაროდ გამოცხადდა თუ არა სხდომის ჩატარების შესახებ?	207	100%
კი	154	74%
არა	53	26%
მოსამართლემ გამოაცხადა საქმის განხილვის შესახებ?	207	100%
კი	196	94%
არა	10	5%
მონიტორმა ვერ შეძლო მონაცემის დაფიქსირება	1	1%
მოსამართლე დარბაზისთვის ნათლად და გასაგებად საუბრობდა?	207	100%
კი	202	97%
არა	4	2%
მონიტორმა ვერ შეძლო მონაცემის დაფიქსირება	1	1%
ყველასათვის იყო შესაძლებელი სხდომაზე დასწრება (სამი სხდომა დაიხურა³⁷⁾?	204	100%
კი	198	97%
არა	6	3%
საჭიროების შემთხვევაში მოწვეული იყო თარ-ჯიმანი (3 სხდომა დაიხურა) თარჯიმნის პროცესზე დასწრება თავისითავად არ ნიშნავს რომ თარჯიმნის ყოლის უფლება რეალიზებულია, მაგალითად, თუკი თარჯიმანი აშკარად არ/ვერ ასრულებს თავის მოვალეობას)?	204	100%
კი	2	1%
არა	0	0%
თარჯიმნის მოწვევა არ იყო აუცილებელი	202	99%
მოსამართლემ/სხდომის მდივანმა გამოაცხადა მხარეთა ვინაობა (ეს კითხვა რელევანტური იყო მხოლოდ 35 განხილვაზე, რომელიც არსებითი განხილვის ეტაპის პირველი სხდომა იყო)?	35	100%

³⁷ აქედან 1 სხდომა თავიდანვე დახურული იყო, რადგან არასრულწლოვნის საქმე განიხილებოდა, 2 სხდომა კი პროცესის მიმდინარეობისას დაიხურა, მხოლოდ გარგვეული ნაწილი.

კი	35	100%
არა	0	0%
გადაწყვეტილება საჯაროდ გამოცხადდა (ეს კითხვა რელევანტური იყო მხოლოდ 4 შემთხვევაში)?	4	100%
კი	4	100%
არა	0	0%
მოსამართლემ აუხსნა ბრალდებულის მოსამართლის აცილების უფლება (ეს კითხვა რელევანტური იყო მხოლოდ 35 შემთხვევაში)?	35	100%
კი	31	88.5%
არა	3	8.5%
სხდომა გადაიდო	1	3%
მოსამართლემ ბრალდებულს ყველა უფლება განუმარტა (ეს კითხვა რელევანტური იყო მხოლოდ 35 შემთხვევაში)?	35	100%
კი	11	31%
არა	22	63%
სხდომა გადაიდო	2	6%
ბრალდებულისათვის განმარტებული უფლებები მისთვის ნათელი და გასაგები იყო (ეს კითხვა რელევანტური იყო მხოლოდ 35 შემთხვევაში)?	35	100%
კი	33	94%
არა	0	0%
სხდომა გადაიდო	2	6%
მოსამართლის ქცევა რომელიმე მხარის მიმართ იყო დამაშინებელი ან არაფორმალური (1 სხდომა დახურული იყო)?	206	100%
კი	3	2%
არა	203	98%
მოწმეები იმყოფებოდნენ სხდომის დარბაზში დაკითხვამდე (ბრალდებულთა გამოკლებით, რომლებიც ესწრებიან სხდომას)?	50	100%
კი	0	0%
არა	50	100%

მოსამართლემ დაუსვა კითხვები მოწმეებს რომელიმე მხარის სახელით (ბრალდებულთა და ექსპერტთა ჩათვლით; ეს ციფრი აღნიშნავს იმ სხდომათა რაოდენობას, რომლებზეც დაიკითხნენ მოწმეები და არა მოწმეთა საერთო რაოდენობას)?	64	100%
კი	11	17%
არა	53	83%
რომელი მხარის სახელით?	11	100%
ბრალდების სახელით	2	18%
დაცვის სახელით	2	18%
ორივეს სახელით	7	63%
რაიმე ინსტრუქცია მისცა მოსამართლემ რომელიმე მხარეს (1 სხდომა დაიხურა)?	206	100%
კი	17	8%
არა	189	92%
რომელ მხარეს?	17	100%
ბრალდებას	6	35%
დაცვას	10	58%
ორივეს	1	5%

საპროცესო შეთანხმებები — დასწრებული სხდომების რაოდენობა: 69

საჯაროდ გამოცხადდა თუ არა სხდომის ჩატარების შესახებ?	69	100%
კი	45	65%
არა	24	35%
მოსამართლემ გამოაცხადა საქმის განხილვის შესახებ?	69	100%
კი	67	97%
არა	2	3%
მოსამართლე დარჩაზისთვის ნათლად და გასაგებად საუბრობდა?	69	100%
კი	66	96%
არა	3	4%
ყველასათვის იყო შესაძლებელი სხდომაზე დასწრება?	69	100%
კი	66	96%
არა	3	4%
საჭიროების შემთხვევაში მოწვეული იყო თარჯიმანი (თარჯიმის პროცესზე დასწრება თავისთვალი არ ნიშნავს რომ თარჯიმის ყოლის უფლება რეალიზებულია, მაგალითად, თუკი თარჯიმანი აშკარად არ/ვერ ასრულებს თავის მოვალეობას)?	69	100%
კი	3	4%
არა	0	0%
თარჯიმის მოწვევა არ იყო აუცილებელი	66	96%
მოსამართლემ აცნობა და განუმარტა პრალდებულს მოსამართლის აცილების უფლება (ეს შეკითხვა რელევანტური იყო მხოლოდ 27 შემთხვევაში, როდესაც პირველად გაიხსნა სხდომა)?	27	100%
კი	26	96%
არა	1	4%
მოსამართლის ქცევა რომელიმე მხარის მიმართ იყო დამაშინებელი ან არაფორმალური?	69	100%
კი	0	0%

არა	69	100%
მოსამართლემ განუმარტა ბრალდებულს, რომ მის მიერ წამების, არააღამიანური ან დამამცირებელი მოპყრობის ფაქტზე სჩივრის შეტანა ხელს არ შეუშლის კანონის დაცვით დადებული საპროცესო შეთანხმების დამტკიცებას?	69	100%
კი	36	52%
არა	33	48%
მოსამართლემ ბრალდებულს ყველა უფლება განუმარტა (ეს შეკითხვა რელევანტური იყო მხოლოდ 27 შემთხვევაში, როდესაც პირველად გაიხსნა სხდომა)?	27	100%
კი	7	26%
არა	20	74%
ბრალდებულისათვის უფლებების განმარტება ნათელი და გასაგები იყო (ეს შეკითხვა რელევანტური იყო მხოლოდ 27 შემთხვევაში, როდესაც პირველად გაიხსნა სხდომა)?	27	100%
კი	25	92%
არა	2	7%
რაიმე ინსტრუქცია მისცა მოსამართლემ რომელიმე მხარეს?	69	100%
კი	3	4%
არა	66	96%
რომელ მხარეს?	3	100%
დაცვას	1	33%
ბრალდებას	2	67%